



74
6640
51



74
6640
51

五禮通考卷第一百三十三

內廷供奉禮部右侍郎金廣泰蕙田編輯

兩淮都轉鹽運使德水盧覓曾

李天保總纂魏都觀桐城方觀承同訂

直隸按察司副使元和宋宗元

參校

嘉禮六

朝禮

蕙田案周制天子三朝惟路門外之朝曰治朝王日眡朝於此即後世所謂常朝也古者三公坐而論道王眡朝則冢宰贊聽治大僕正位百官各從表著之位上下之分至嚴君臣之情至親凡邦國之利病政事之得失民生之疾苦無有壅於上聞者秦漢以降迄於南北朝史志詳於朝會之儀注而常朝闕如自唐以後其儀始備唐常朝於太極殿其在



木下中也
1991.04
寄贈

91-0728

大明宮則於宣政殿貞觀初每日臨朝十三年三日一朝永徽中五日一朝仍有朔望朝開元禮有朔日受朝其後又有紫宸殿入閣中葉以還又有開延英召對敬宗定以朔望入閣昭宣帝時定一五九日開延英後唐明宗始詔羣臣五日一詣內殿起居仍復朔望入閣宋制文武官每日赴文明殿正衙曰常參五日一赴崇德殿或垂拱殿曰起居而外別有入閣之儀但唐之入閣御便殿也其禮視正衙爲繁則非唐舊矣熙甯以後罷入閣儀重定朔望御殿之制政和新儀有文德殿月朔視朝紫宸殿望參垂拱殿四參紫宸殿日參

垂拱殿日參崇政殿假日起居遼有常朝起居儀太宗至燕御元和殿入閣金以朔望日爲朝參餘日爲常朝元惟宰執每日入延春閣及別殿奏事明常朝有御殿儀有御門儀每日晨興御奉天門至午晚復出坐朝其後御殿之禮廢午晚二朝亦廢景泰弘治始復午朝未幾旋罷至世宗神宗之世常朝御門數十年不一舉焉常朝儀宋志列之賓禮今依通典明集禮會典作嘉禮而繼周官朝禮之後蓋視朝之正禮也

史記秦始皇本紀三十五年始皇以爲咸陽人多先王之宮廷小吾聞周文王都豐武王都鎬豐鎬之間帝王之都也乃營作朝宮聽事羣臣受決事悉於咸陽宮

二世二年趙高說二世曰先帝臨制天下久故羣臣不敢爲非進邪說今陛下富於春秋初卽位奈何與公卿廷決事事卽有誤示羣臣短也天子稱朕固不聞聲於是二世常居禁中與高決諸事其後公卿希得朝見

蕙田案周制王日昃朝秦去古未遠故始皇梁父刻石云既平天下不懈於治夙興夜寐建設長利則猶知聽政之勤也至二世信趙

高邪說居禁中與高決事而朝禮始廢矣

漢書宣帝本紀地節二年上始親政事五日一聽事續漢書禮儀志注胡廣曰舊儀公卿以下每月常朝先帝以其頻故省惟六月十月朔朝後復以六月朔盛暑省之

三國魏志文帝本紀黃初五年五月有司以公卿朝朔

望日因奏疑事聽斷大政論辨得失

魏志齊王本紀景初三年正月卽位七月始親臨朝聽

公卿奏事

宋書孝武帝本紀孝建三年二月丁丑始制朔望臨西堂接羣下受奏事

梁書武帝本紀大同六年八月辛未詔曰經國有體必詢諸朝所以尙書置令僕丞郎且且上朝以議時事前共籌懷然後奏聞頃者不爾每有疑事倚立求決古人有云主非堯舜何得發言便是是故放勛之聖猶咨四岳重華之叡亦待多士豈朕寡德所能獨斷自今尙書中有疑事前於朝堂參議然後啟聞不得習常其軍機要切前須諮審自依舊典

北魏書穆亮傳高祖臨朝堂謂亮曰三代之禮日出視

朝自漢魏已降禮儀漸殺晉令有朔望集公卿於朝堂而論政事亦無天子親臨之文今因卿等日中之集中前則卿等自論政事中後與卿等共議可否遂命讀奏案高祖親自決之

蕙田案讀奏案親自決之今之御門大學士進御前內閣學士讀本請旨即其意也

前廢帝本紀晉泰元年四月詔員外諫議大夫步兵校尉奉車都尉羽林監給事中積射將軍奉朝請其七品以上朔望入朝

北齊書孝昭本紀帝日昃臨朝訪問左右冀獲直言後周書武帝本紀保定三年五月甲子朔避正寢不受朝早故也

建德二年秋七月自春末不雨至于是月壬申集百寮

於大德殿帝責躬罪己問以政治得失

隋書高祖本紀上每日臨朝日昃忘倦

唐六典太極殿朔望坐而視朝兩儀殿常日聽朝而視事

唐書職官志文武官職事九品以上及二王後朝朔望文官五品以上及兩省供奉官監察御史員外郎太常博士日參號常參官武官三品以上三日一朝號九參官五品以上及折衝當番者五日一朝號六參官弘文崇文館國子監學生四時參凡諸王入朝及以恩追至者日參九品以上自十月至二月袴褶以朝五品以上有珂蕃官及四品非清官則否

文獻通考貞觀元年十一月梁州都督竇軌請入朝上

日君臣共事情猶父子外官久不入朝情或疑懼朕亦須數見之問以人間風俗許令人朝

蕙田案此外官入朝也

貞觀十三年十月尚書左僕射房元齡奏天下太平萬機事簡請三日一臨朝許之

通典貞觀十五年正月太宗謂侍臣曰古者諸侯入朝有湯沐邑芻禾百車待以客禮漢家故事爲諸州刺史郡守創立邸舍於京城頃聞都督刺史充考使至京師皆賃房與商人雜居豈優禮之不足必是人多不便至十七年十月下詔令就京城內閑坊爲諸州朝集使各造邸第三百餘所太宗親觀幸焉

貞觀二十二年十月令百僚朔望服袴褶以朝

冊府元龜高宗以貞觀二十三年卽位九月十一日太

尉無忌等奏請視朝坐日上報曰朕登大位日夕孜孜猶恐擁滯眾務自今以後每日常坐

永徽二年八月二十九日詔來月一日太極殿受朝此後每五日一度太極殿視事朔望朝卽永爲常式京官文武五品依舊五日一參

顯慶二年太尉長孫無忌等奏以天下無虞請隔日視事許之

文獻通考中宗神龍元年初令文武官五品以上每朔望參日升殿食四月上以時屬炎暑制令每隔日不坐右拾遺靳恆上疏諫曰臣聞昔漢制反支日亦通奏事又光武在軍躬自覽疏明帝撫運夜必讀書豈以四氣炎寒妨於政理竊爲陛下不取

冊府元龜先天二年二月太上皇詔正月十五日朝改

取十一日每年皆然又非朔望日而同朔望受朝者前
後有誥非一

文獻通考先天二年勅文武官朝參應著袴褶珂織者
其有不著入班者各奪一月俸若無故不到者奪一季
祿其行香拜表不到亦準此頒犯者量事貶降其衣冠
珂織仍許著到曹司十月勅諸蕃使都府管羈縻州其
數極廣每州遣使朝集頗成勞擾應須朝賀委當蕃都
督與上佐及管內刺史自相通融明為次第每年一蕃
合一人入朝給左右不得過二人仍各分領諸州貢物
於都府點檢一時錄奏案本紀先天二
年十月改開元
開元中蕭嵩奏每月朔望皇帝受朝於宣政殿先列仗
衛及文武四品以下於庭侍中進外辦上乃步自西序
門出昇御座朝罷又自御座起步入東序門然後放仗

散臣以為宸儀肅穆升降俯仰眾人不合得而見之乃
請備羽扇於殿兩廂上將出所司承旨索扇扇合上坐
定乃去扇給事中奏無事上將退又索扇如初今以為
常

蕙田案開元禮朔日受朝儀與此略同而加
詳彼云受朝於太極殿據在大內而言此云
宣政殿據在大明宮而言也

唐開元禮朔日受朝其朔日讀時令
則不行此禮前一日尚舍奉御設御
幄於太極殿北壁南向守宮設文官次於朝堂如常儀
太樂令展宮懸於殿庭設舉麾位於殿上西階之西東
向一位於樂懸東南西向竝如常儀其日典儀設文官
三品以上位於橫街之南道東設武官三品以上位於
道西俱每等異位重行北面相對為首設文官四品五

品位於懸東六品以下於橫街之南每等異位重行西
 面北上設武官四品五品位於懸西六品以下於橫街
 之南當文官每等異位重行東面北上設典儀位於樂
 懸東北贊者二人在南少退又奉禮設門外位文官於
 東朝堂西面武官於西朝堂東面皆每等異位重行北
 上其日依時刻諸衛勒所部列仗屯門及陳於殿庭如
 常儀羣官朝集官俱就次各服公服吏部兵部贊羣官
 俱出次通事舍人各引就朝堂前位侍中版奏請中嚴
 敎戟近仗入陳於殿太樂令帥工人入就位協律郎入
 就舉麾位諸衛之官各服其器服符寶郎奉寶俱詣閤
 奉迎典儀司贊者入就位通事舍人引四品以上先入
 就位侍中版奏外辦有司承旨索扇皇帝弁服絳紗衣
 御輿以出曲直華蓋警蹕侍衛如常儀皇帝將出仗動

太樂令合撞黃鐘之鐘右五鐘皆應協律郎跪俯伏舉
 麾鼓祝奏太和之樂皇帝出自西房即御座南向坐符
 寶郎奉寶置於御座如常儀協律郎偃麾戛歌樂止通
 事舍人引三品以上以次入就位公初入門舒和之樂
 作至位樂止立定典儀曰再拜贊者承傳在位者皆再
 拜典儀又曰再拜贊者承傳羣官在位者又再拜舍人
 引羣官北面位者以次出公初行樂作出門樂止侍中
 前跪奏稱侍中臣某言禮畢俯伏興還侍位有司承旨
 索扇皇帝興太樂令合撞蕤賓之鐘左五鐘皆應奏太
 和之樂皇帝降座御輿入自東房侍衛警蹕如來儀侍
 臣從至閣樂止舍人引東西面位者以次出皇帝若御
 翼善冠則羣臣皆服袴褶不設樂懸去警蹕

朝集使引見附奉辭前一日尚舍奉御先奏於御殿所設御

座如常儀其日依時刻所司量加隊仗陳列如常式典
儀於殿庭橫街之南北設版位如常儀其日朝集使夙
興竝集朝堂各服其服朝京官文武九品以上竝服袴
褶諸侍奉官及京官文武四品以上就位如式通事舍
人引京官文武三品以上及朝集使俱就所御殿門外
序立以次侍中進奏外辦皇帝常服即御座南向坐侍
衛如常儀通事舍人分引京官文武三品以上詣橫街
南相對北面位立定典儀曰再拜羣官在位者皆再拜
訖通事舍人各引就街北東西班停立又通事舍人分
引朝集使入北面位東方南方在東西方北方在西立定典儀曰再拜朝集
使等俱再拜通事舍人承旨詣朝集使東北面立稱有
制朝集使等皆再拜舍人宣勅訖又再拜答制先定行首一人跪奏舍人為奏
聽進若承恩慰問即舞蹈訖又再拜舍人宣勅訖侍中奏

禮畢皇帝還宮如來儀侍臣退羣官等以次退其朝集
使奉辭皆準奉參之儀其京官但常參官列版位其朝
集使三品以上引升殿賜食四品以下于廊下賜食竝
臨時奏聽進止

冊府元龜開元二十二年閏十一月詔諸州考使六品
以下朔望日朝宜準例賜食

通典天寶三載二月勅百官朔望朝參應服袴褶并著
珂傘至閏二月一日宜停自今以後每逢此閏仍永為
恆式

舊唐書元宗本紀天寶五載夏五月庚申勅今後每至
旬節休暇中書門下文武百僚不須入朝外官不須衙
集

通典天寶六載九月勅自今以後每朔望于常儀一刻

進外辦每坐喚仗令朝官從容至閣門入至障外不須趨走百司無事至午後放歸無為守成宜知朕意

蕙田案入閣之禮始於此

文獻通考入閣唐制起於天寶明皇以無為守成詔宴朝喚仗百官從容至閣門入蓋唐前含元殿非正至大朝會不御次宣政殿謂之正衙每坐朝必立仗於正衙或御紫宸殿即喚正衙仗自宣政殿兩門而入是謂東西上閣門故謂之入閣其後遂為常朝之儀

宋史禮志唐制天子日御正衙以見羣臣必立仗朔望薦食陵寢不能臨前殿則御便殿乃自正衙喚仗由宣政兩門而入是謂東西上閣門羣臣俟於正衙者因隨以入故謂之入閣五代以來正衙既廢而入閣亦希闕不講宋復行之

蕙田案通考與宋志所載入閣之說不同今

以冊府元龜考之則通考為得之矣蓋唐制

正衙每日有立仗元宗以正衙體嚴而御便

殿以接羣下喚仗入閣示無為守成之意故

不特朔望入閣常日亦可入閣何者御便殿

原無常期也冊府元龜載大歷中間日坐朝

雙日不復入閣然則入閣可間日行之何必

朔望耶冊府元龜又云故事朔望日皇帝御

宣政殿謂之大朝

此即開元禮所載元宗始以朔望陵

寢薦食不聽政其後遂以為常憲宗元和十

年三月朔御延英殿召對宰臣特以事召非

故事也夫入閣接見羣臣所以聽政日不聽

政則并入閣亦廢之矣且入閣之儀於紫宸

殿行之雖云便殿固內朝之正殿也延英則非正殿矣朔望薦食延英且不御況御紫宸乎竊意天寶以後元宗怠於政事始則借無為守成之名變正衙之朝而為入閣繼則借薦食陵寢之說并朔望入閣亦廢之其後習以為常有常日入閣無朔望入閣矣德宗以後率於延英召對宰臣而常日入閣又復不講至敬宗復入閣之儀則專於朔望行之此禮之變也宋志以朔望薦食不聽政亦起於元宗遂與入閣并為一事誤矣

又案宋張洎宋庠宋敏求皆以入閣為唐隻日紫宸殿受常朝之儀不云朔望其說得之冊府元龜天寶六載正月詔曰今勝殘在運無事為心

顧此朝儀當符至理既時非旰食將致昇平而廷設殺刑何成在宥其每日立仗食及杖錕等竝宜停廢十一月辛卯朔引朝集使及貢舉人見十二月丙寅仗下後百官於尚書省閱貢物

通典天寶十二載十一月御史中丞吉溫奏請京官朔望朝參著朱衣袴褶五品以上著珂傘制曰可

蕙田案此朱衣袴褶之始

文獻通考肅宗乾元三年勅員外郎五品以上常參官自今以後非朔望日許不入賊平之後依舊常參時安史據河洛代宗廣德二年勅常參官遇泥雨準儀制令停朝參今軍國事殷若準式停恐有廢闕泥既深阻許延三刻傳點待道路通依常式以後亦宜準此

冊府元龜天曆九年十一月是時四方無事間日坐朝

雙日不復入閣

十二年八月以久雨宥常參百寮不許御史點班

舊唐書德宗本紀建中元年十一月辛酉朔朝集使及

貢士見於宣政殿兵興以來四方州府不上計內外不

朝會者二十有五年至此始復舊制州府計吏至者二百七十有三

文獻通考建中二年御史中丞竇參奏準儀制令泥雨

合停朝參伏以軍國事殷恐有廢闕請令每司長官一

人入朝有兩員併副貳亦許分日其夜甚雨至明不止

許令仗下到廊食訖入中書其餘官及王府長官並請

停朝任於本司句當公事泥雨經旬亦望準此是年舉故事置武班

朝參廊下食等亦宜加給

冊府元龜貞元元年七月關中蝗食禾稼無子遺八月

甲子詔不御正殿奏事悉於延英庚寅視朝於延英殿

羣臣列位於延英殿門外甲子之詔也丁丑雨戊寅

中書門下上言陛下前以愆陽經時避居正殿凡在臣

庶無任兢惶今至誠感通嘉雨霑洽兇渠授首同類格

心臣等敢昧死請自今以後依常儀御正殿詔曰可

蕙田案開延英殿始見於此

文獻通考開延英儀內中有公事商量即降宣頭付

閣門開延英閣門翻宣申中書并榜正衙門如中書

有公事敷奏即宰臣入榜子奏請開延英祇是宰臣

赴對閣門使奏宰臣某已下延英候對宣徽使殿上

宣通次閣門使奏中書門下到次宣徽使喚次閣門

使傳聲喚次通事舍人引宰臣當殿立贊兩拜搢笏

舞蹈又三拜奏聖躬萬福又兩拜金口宣上來又兩

拜通事舍人引上殿至御座前又兩拜問聖體皇帝

宣安又兩拜三呼萬歲各分班案前立定兩樞密使
在御榻兩面祇候其餘臣僚竝約赴外次奏事訖宣
賜茶又兩拜三呼萬歲賜坐喫茶對訖下殿兩拜宣
賜酒食舞蹈謝恩訖宣徽使喝好去就中書喫食延
英畢次兩省官轉對閣門使當殿奏某已下轉對宣
徽使殿上宣通次閣門使奏某已下到次宣徽使喚
次閣門使傳聲喚次通事舍人引當殿立定贊兩拜
搯笏舞蹈又三拜奏聖躬萬福又兩拜殿下奏事訖
宣賜酒食又兩拜舞蹈謝訖閣門使喝好去南班揖
殿出於省就食次對官御史中丞三司使京兆尹竝
各奏所司公事次閣門使奏某祇候次對宣徽使殿
上宣通次閣門使奏某到次宣徽使喚次閣門使傳
聲喚次通事舍人引當殿立定贊兩拜搯笏舞蹈三

呼萬歲又三拜訖奏聖躬萬福又兩拜奏所司公事
宣賜酒食又兩拜舞蹈謝訖閣門使喝好去南班揖
殿出於客省就食合起延英中謝官文武兩拜三品
及御史中丞左右丞諸侍郎諫議給事中書舍人并
諸道節度觀察防禦團練使刺史兩縣令皆入謝竝
通喚文武四品以下及諸道行軍司馬節度副使兩
使判官書記支使推巡令錄等舊例竝不對敷中謝
祇於正衙朝謝

蕙田案馬氏通考載開延英儀於貞元二年
勅之後然閣門使宣徽使三司使唐時無此
官制而宋又無開延英之儀當是五代所定
之儀或昭宣帝時開延英有之今不可定以
延英奏事始於貞元故附見於此并存疑以

侯考

舊唐書德宗本紀貞元三年春三月庚寅詔今年朝集使宜停

文獻通考貞元七年詔常參官入閣不得奔走其有周以下喪者禁襴服朝會復衣綾袍金玉帶初金吾將軍沈房有弟喪公服不衣襴服入門上問宰臣董晉對曰準式朝官有周以下喪者許服絕縵衣不合淺色上曰南班何得有之對曰因循而然又曰在式朝官皆以綾爲袍五品以上服金玉帶取其文綵華飾以奉上也昔尚書郎含香此意也

冊府元龜貞元十三年正月御史臺奏諸司常參文臣隔假三月以上竝橫行參假其武班每日先配九參六參比來或經冬至及歲首寒食等三節假滿不是本配入日竝不橫行事實乖闕請從今以後每經三節假滿縱不是本配入日其前件官請依文官例橫行參假庶幾周行式序可之五月帝以累月天陰街鼓聲暗百官入朝多走馬奔馳令宣示宰臣及百官曰卿等朝謁是常或陰雨不聞鼓聲則不免奔波走馬忽有墜損深軫朕懷自今以後縱鼓聲差池亦不得走馬并時暑稍甚及雨雪泥潦亦量放朝參宰臣等上表陳謝

文獻通考憲宗元和元年三月準吏部兵部尚書侍郎郎官并禮部侍郎御史中丞武元衡奏前件等司近起十月至來年三月稱在選舉限內不奉朝參令式無文禮敬斯闕一年之內半歲不朝去貞元十二年中丞王顏奉勅釐革載在明文尋又因循輒自更改若以兵吏禮部舉選限內事繁卽中書門下御史臺度支京兆府

公事至重朝請如常又況旬節已賜歸休常參又許分日一月之內才奉十日朝參其間甚熱甚寒皆蒙班放臣以爲王顏舉奏甚詳當時勅文甚備準貞元十一年四月勅旨自今以後永爲常式他年安改條請委臺司彈奏庶使班行式敘典法無虧依奏

舊唐書憲宗本紀元和元年四月己未武元衡奏常參官兼御史大夫中丞者準檢校省官例立在本品同類之上

二年十二月癸亥御史臺奏文武常參官準乾元元年三月十四日勅如有朝堂相弔慰及跪拜待漏行立失序語笑喧嘩入衙入閣執笏不端行立遲慢立班不正趨拜失儀言語微喧穿班穿仗出入閣門無故離位廊下飲食行坐失儀誼鬧入朝及退不從正衙出入非公

事入中書等每犯奪一月俸班列不肅所由指摘猶或飾非卽具聞奏貶責臣等商量於舊條每罰各減一半所貴有犯必舉從之

冊府元龜元和二年二月己巳宰臣延英罷對起居舍人鄭隨次對詔入面受進止令宣付兩省供奉官自今以後有事卽進狀來其次對宜停初貞元七年詔每御延英引見常參官二人訪以政道謂之次對官所以廣視聽也宰臣奏罷時議非之是年六月丁巳朔百官初入待漏院候禁門啟入朝故事建福望仙等門昏而闔五更而啟與諸里門同時至德中有吐蕃內自金吾仗

亾命因勅晚開宰相待漏於太僕寺車坊至是始命有司各據班品置院於建福門外

相於光宅車坊以避風雨元和初始制待漏院

蕙田案此制待漏院之始

冊府元龜元和六年十二月庚午以苦寒放朝五日
七年四月壬子開延英對宰臣以下八年十月丙辰
以大雪放朝三日九年六月癸卯以時暑甚放百官
五日參十年三月壬申朔御延英殿召對宰臣故事
朔望日皇帝御宣政殿見羣臣謂之大朝元宗始以朔
望陵寢薦食不聽政其後遂以為常今之見宰臣特以
事召也六月勅御史臺自今以後常參官入朝以見
到人名銜進來其朔望及雙日莫進
舊唐書憲宗本紀元和十四年上謂宰臣曰天下事重
一日不可曠廢若遇連假不坐有事即詣延英請對崔
羣以殘暑方甚目同列將退上止之曰數日一見卿等

時雖暑熱朕不為勞久之方罷

冊府元龜穆宗長慶二年八月詔曰夏秋之間常多水
潦如緣暮夜暴雨道路不通車馬宜便放其日朝參委
御史臺旬當仍每日奏如雨不至甚即不在此例
敬宗以長慶四年正月即位二月辛丑御紫宸殿羣臣
初展入閣之儀

葉氏夢得曰唐正衙日見羣臣百官皆在謂之常參
喚仗入閣百官亦隨以入則唐制天子未嘗不日見
百官也其後不御正衙紫宸所見惟大臣及內諸司
百官俟朝於正衙者傳聞不坐即退則百官無復見
天子矣敬宗再舉入閣禮之後百官復存朔望兩朝
唐書李渤傳渤諫議大夫時敬宗晏朝紫宸入閣帝久
不出羣臣立屏外至頓仆渤見宰相曰昨論晏朝事今

益晚是諫官不能移人主意渤請出閣待罪會喚仗乃止退上疏曰今日入閣陛下不時見羣臣羣臣皆布路跛倚夫跛倚形諸外則憂思結諸內憂倦既積災釁必生小則爲早爲孽大則爲兵爲亂禮三諫不聽則逃之陛下新卽位臣至三諫恐危及社稷又言左右常侍職規諫循默不事若設官不責實不如罷之

舊唐書文宗本紀太和元年六月辛卯朔勅文武常參官朝參不到據料錢多少每貫罰二十五文

冊府元龜開成元年正月己酉詔以入閣日次對官班退立於東階松樹下須宰臣奏事畢齊至香案前各言本司事左右起居又待次日對官奏事畢方出

舊唐書昭宣帝本紀天祐二年十二月辛丑勅漢宣帝中興五日一聽朝歷代通規永爲常式近代不循舊儀

輒墮制度既姦邪之得計致臨視之失常須守舊規以循定制宜每月只許一五九日開延英計九度其入閣日仍於延英日一度指揮如有大段公事中書門下具榜子奏請開延英不計日數付所司又勅宮嬪女職本備內任近年以來稍失儀制宮人出內宣命案御參隨視朝乃失舊規須爲永制今後每遇延英坐朝日只令小黃門祇候引從宮人不得擅出內門庶循典儀免至紛雜

見聞錄唐會要天祐二年勅今後每遇延英坐朝日只令小黃門祇候引從宮人不得擅出內乃知杜詩戶外昭容紫袖垂雙瞻御座引朝儀者眞出殿引坐而鄭谷入閣詩亦言導引出宮鈿蓋至天祐始罷三年六月壬寅勅文武百寮每月一度入閣於貞觀殿

三編卷之三
朝廷正衙遇至正之辰受羣臣朝賀比來視朝未正規儀今後於崇勳殿入閣付所司

蕙田案昭宣帝以天祐元年八月卽位不改元四年而禪梁冊府元龜載此二勅以爲昭宗天復二年三年之事文獻通考則云昭宗天祐二年三年不知昭宗崩在元年皆誤也今以舊唐書本紀爲正

冊府元龜天祐二年四月勅自今年五月一日後常朝出入取東上閣門或遇奉慰卽開西上閣門永爲定制蕙田案冊府元龜載天復三年文武兩班官員遇一五九朝日元帥朱全忠請排廊餐賜詔獎飭仍付所司案一五九日開延英之制旣定於天祐二年則此事亦當在天祐三年

可知今附見於此

右唐常朝

冊府元龜後唐莊宗同光元年十二月中書門下奏每日常朝百官皆拜獨兩省官不拜準本朝故事朝退於廊下賜食謂之廊餐百僚遂有謝食拜惟兩省官本省有廚不赴廊餐故不拜伏自僖宗幸蜀回以多事之後遂廢廊餐百官拜儀至今未改將五十載禮恐難停惟兩省官獨尙不拜豈可終日趨朝曾不一拜獨於班列有所異同若言官是近臣於禮尤宜肅敬起今後逐日常朝宣不坐除職事官押班不拜外其兩省官與東西兩班竝齊拜從之

二年正月庚申四方館奏常朝諸職員多有參雜今後除隨駕將校外方進奉專使文武兩班三品以上官可

於內殿對見其餘竝詣正衙以申常禮從之八月癸巳
宣旨放三日朝參以霖雨甚故也

三年正月以百官扈從之勞放十九日至二十日朝參
六月癸酉勅泥塗稍甚放文武常參三日丁亥以霖雨
放朝七月乙未勅霖雨未止泥塗頗甚宜放五日六日
朝參戊戌勅泥塗頗甚放八日九日朝參丁亥以霖雨
放朝八月己丑勅如聞天津橋未通往來百官以舟船
濟渡因茲傾覆兼踏泥塗自今文武百官三日一趨朝
宰臣卽每日中書視事

明宗天成元年五月丁巳內出御劄一封賜宰臣曉示
文武百寮每日正衙常朝外五日一度赴內殿起居宰
臣百官班於文明殿庭謝其中書非時有急切公事請
開延英不在此限乙酉勅每月十五日賜廊下食本朝
承平時常參官每日朝退賜食廊下謂之廊餐自乾符
亂離已後庶事草創有司經費不足無每日之賜但遇
月旦入閣日賜食帝初卽位始因諫官疏奏請文武百
寮五日一起居見帝於便殿李琪以爲非故事以五日
爲繁請每月朔望日皆入閣賜廊下食罷五日起居之
儀至是宣每月朔望皆入閣依奏五日一度起居不得
停廢遂以爲常

五代史李琪傳唐末喪亂朝廷之禮壞天子未嘗視
朝而入閣之制亦廢常參之官日至正衙者傳聞不
坐卽退獨大臣奏事日一見便殿而侍從內諸司日
再朝而已明宗初卽位乃詔羣臣五日一隨宰相入
見內殿謂之起居琪以爲非唐故事請罷五日起居
而復朔望入閣明宗曰五日起居吾思所以數見羣

臣也不可罷而朔望入閣可復然唐故事天子日御殿見羣臣曰常參朔望薦食諸陵寢有思慕之心不能臨前殿則御便殿見羣臣曰入閣宣政前殿也謂之衙衙有仗紫宸便殿也謂之閣其不御前殿而御紫宸也乃自正衙喚仗由閣門而入百官俟朝於衙者因隨以入見故謂之入閣然衙朝也其禮尊閣宴見也其禮殺自乾符以後因亂禮闕天子不能日見羣臣而見朔望故正衙常日廢仗而朔望入閣有仗其後習見遂以入閣爲重至出御前殿猶謂之入閣其後亦廢至是而復然有司不能講正其事凡羣臣五日一入見中興殿便殿也此入閣之遺制而謂之起居朔望一出御文明殿前殿也反謂之入閣琪皆不能正也琪又建言入閣有待制次對官論事而內

殿起居一見而退欲有言者無由自陳非所以數見羣臣之意也明宗乃詔起居日有言事者許出行自陳又詔百官以次轉對

五代會要天成元年五月十九日勅本朝舊日趨朝官置待漏院候子城門開便入立班如遇不坐前一日晚便宣來日兩衙不坐其日纔明閣門立班便宣不坐百官各退歸司近年以來雖遇不坐正殿或是延英對宰臣或是內殿親決機務所司不循舊制往往及辰已之時尙未放班旣日色已高人心咸倦今後若遇不坐日未御內殿前便令閣門使宣不坐放朝班退

冊府元龜天成元年八月壬辰以積雨泥甚放百僚朝參己亥帝御文明殿百官入閣如月朔之儀從新例也九月丙辰帝御文明殿入閣新制次日例也十月右拾

遺曹珍上疏內一件百寮朔望入閣及五日一度內殿起居請許三署寺監官輪次轉對奏事從之

二年正月丙申詔曰君使臣以禮臣事君以忠禮不可一日不修忠不可一日不念二者全則上下順一途廢則出入差須振綱維以嚴規矩凡在策名之列皆知辨色之朝儻不夙興是虧匪懈君上思政猶自求衣未明爲下服勤固合假寐待旦宜令御史臺徧示文武兩班自此每日早赴朝參職司既得整齊公事的無壅滯如或尙茲懈怠具錄奏聞

文獻通考三年中書門下奏逐日常朝宣奉勅不坐兩省官與東西兩班並拜押班宰臣不拜或聞班行所論承前有廊餐百官謝食兩省卽各有常廚從來不拜或云有侍臣不拜檢尋故實不見明規百官拜爲廊餐卽承旨合宜有勅賜食供奉官不拜亦恐非儀且左右前後之臣日面天顏豈可不拜臣等商量今後常朝押班宰臣亦拜通事舍人亦拜閣門外放仗亦拜從之

冊府元龜長興元年二月郊祀畢丙辰勅宜放兩日朝參以百官行事之勞故也七月庚寅詔諸州得替防禦團練使刺史並宜於班行比擬如未有員闕可隨常參官逐日立班新例也

二年八月癸酉詔文武百官五日內殿起居仍舊其輪次對宜停若有封事許非時上表朔望入閣待制候對一依舊制

三年三月乙酉勅文武兩班每遇入閣從官並賜酒食從前臺官及諸朝官皆在敷政門外兩廊下就食惟北省官於敷政門內旣爲隔門各不相見致行坐不齊難

於整肅今後每遇入閣賜食北省官亦宜令於敷政門外東廊下設席以北爲首待班齊一時就座六月己未勅以霖雨經旬街衢泥濘文武兩班宜放今月八日朝參甲子朔勅放三日朝參大雨故也

四年八月辛亥以霖雨甚宣旨放入閣

五代史盧文紀傳文紀拜中書侍郎同中書門下平章事是時天下多事廢帝數以責文紀文紀因請罷五日起居復唐故事開延英冀得從容奏議天下事廢帝以爲五日起居明宗所以見羣臣也不可罷而便殿論事可以從容何必延英因詔宰相有事不以時詣閣門請對

冊府元龜末帝清泰元年六月辛卯御史中丞張鵬奏文武常參官入閣日廊下設食每宣放仗拜後就食相

承以爲謝食拜臣以每日常朝宣不坐後拜退豈謝食之謂乎如臣所見自今宣放仗拜後且就次候將設食別降使於敷政門外宣賜酒食羣臣謝恩後食從之十一月己巳御史臺奏前任節度防禦團練使等刺史行軍副使近儀五日一度內殿起居皆綴班序立元係班簿雖曰便殿起居其遇全班起居時亦合綴班從之二年三月庚戌御文明殿羣臣入閣刑法官劇可久待制官李慎儀次對

後晉高祖天福二年三月己未御史臺奏唐朝定令式南衙常參文武百僚每日朝退於廊下賜食謂之堂食自唐末亂離堂食漸廢仍於入閣起居日賜食每入閣禮畢閣門宣放仗羣官俱拜謂之謝食至僞主清泰元年入閣禮畢更差中使至正衙門口宣賜食百寮立

班重謝此則交失有唐堂食之意於禮實為太煩臣恐因循漸失根本起今後入閣賜食望不差中使口宣請準唐明宗朝事例處分從之 四月丙午御史臺奏文武百寮每五日一度內殿起居在京城時百官於朝堂幕次自文明殿門入穿文明殿庭入東上閣門至天福殿序班合隨駕百官自到行朝每遇起居日於幕次東出升龍門與諸色人排肩雜進自外繚繞方入內門臣竊見升龍門外庭宇不寬人徒大集或是諸司掌事或是諸道使臣方集貢輸不可止約若令與衣冠雜進朝士竝趨則恐有壞天官見輕朝序權時之義事理難安起今後每遇百官赴內殿起居日請依在京事體百官於幕次自正衙門入東出橫門既協京國常儀兼在行朝便穩從之 庚戌御史臺奏文武百寮每月朔望入

閣禮畢賜廊下食在京時祇於朝堂幕次兩廊下今在行朝於正衙門外權為幕次房廊湫隘間架絕少伏恐五月一日朝會禮畢準例賜食即與幕次難為排比伏見唐明宗時兩省官於文明殿前廊下賜食今未審每遇入閣日權於正衙門內兩廊下排比賜食為復別有處分者勅旨宜依明宗時舊規 六月甲午太妃將至行闕放文武朝一日十一日中書奏準唐貞元二年九月五日勅文官充翰林學士及皇太子諸王侍讀武官充禁軍職事竝不常朝參其在三館等諸職事者竝朝參訖各歸所務者自累朝以來文武在內廷充職兼判三司或帶職額及六軍判官等例不赴常朝元無正勅準近勅文武職事官未升朝者案舊制竝赴朔望朝參其翰林學士侍讀三館諸職事望準元勅處分其在內

廷諸司使等每受正官之時來赴正衙謝後不赴常朝大會不離禁廷位次三次職官免常朝惟赴大朝會其京司未升朝官員祇赴朔望朝參帶諸司職掌者不在此例文官除端明殿翰林學士樞密院學士中書省知制誥外有兼官兼職者仍各發遣本司供事可之

四年七月壬寅朔帝御崇元殿百官入閣如常禮朔不入閣日蝕故也閏七月庚子朔百官不入閣雨霑服也十二月丁酉朔百官不入閣大雪故也

五年正月壬辰馮道奏曰宰臣朝見辭謝在朝堂橫街之南逮至餘官則悉於崇元門內夫表著之列豈可踰之故古先明王必正其位服此實事因偶爾習以為常又入閣禮畢之時羣官退於門外定班如初俟宣放仗唯翰林學士前任郡守等不隨百辟即時直出二者禮

僭序失其使正之帝深然其言於是下詔曰官爵之班卽分高下見謝之位豈有異同宜格通規以為定制今後宰臣使相朝見辭謝並於崇元門內與諸官重行異位一時列班橫行卽從舊例又入閣之義序班為重宣喚則齊趨正殿放仗各出朝門何起居之禮卽同而進退之規有異其翰林學士及前任郡守等今後入閣退朝宜依百官班制

七年五月己亥中書門下奏時屬炎蒸事宜簡省應五日百官起居卽令押班宰臣一員押百官班其轉對官兩員封事付閣門使引進本官起居後隨百寮退不用別出謝恩其文武內外官寮乞假寧親般家及昏葬病損竝門見門辭諸道進奉物等不用殿前排列引進使引至殿前奏云某等進奉奏訖其進奉物便出其進奉

專使朝見日班首一人致詞都附起居州刺史并行軍副使諸道馬步軍都指揮使已下差人到闕並門見門辭州縣官謝恩日甲頭一人都致詞不用逐人告官其供奉官殿直等如是當直及於合殿前排立者即入起居如不當直排立者不用每日起居委宣徽院專切點檢常須整齊從之

開運元年八月癸卯倉部郎中知制誥陶穀奏內外臣寮正衙辭謝內則諸司小吏與宰相差肩外則屬郡未寮其元戎接武欲望宰臣使相依舊押班其郡牧藩侯臺省少監長吏等不得令部內本司卑冗官員同班辭謝勅從其奏

十一月乙亥吏部侍郎張昭遠奏文武常參官每日於正衙立班閣門使宣不坐後百僚俱拜舊制惟押班宰相押樓御史通事舍人各緣提舉贊揚所以不隨庶官俱拜自唐天成末議者不悉朝儀遽違舊典遂令押班之職一例折腰此則深忽禮文殊乖故實且宰相居庶寮之首御史持百職之綱嚴肅禁庭糾繩班列慮於拜揖之際或爽進退之宜於是凝立靜觀檢其去就若令旅拜旅揖實恐非宜況事要酌中恭須近禮人臣愛主不在於斯其通事舍人職司贊導比者兩班進退皆相其儀今則在文班武班之前居一品二品之上端笏齊拜禮實未聞其押班相押樓御史通事舍人並請依天成三年以前禮例施行無至差忒殿中侍御史賈元珪奏是非既異沿革不同舉之則雖有舊規考之則全無故實且夫酌人心而致禮依神道而設教此乃經國之大端也況通事舍人居贊導之職押樓御史當糾察之

司一則示於紀綱一則防於謬誤所以靜觀進退詳視
等威實非抗禮於庭所謂各司其局俾令不拜雅合其
宜伏以宰相押班率千官而設拜起居內殿統百辟以
致詞儀刑文武之班表式鵷鷺之列不得比贊導之職
詎可同糾察之司統冠羣僚所宜列拜臣位居憲府迹
廁同班言或庶其得中罪難逃於多上帝從之

蕙田案御史司糾察舍人主贊導朝謁之時
不令一體列拜所以肅朝儀也宰相百寮之
師表既云押班自應率領諸司一體跪拜賈
元珪之議允為得中

二年六月乙丑朔帝御崇元殿百官入閣

後漢隱帝乾祐二年五月中書舍人艾穎上言近制一
月兩度入閣五日一度起居近年以來入閣多廢每遇

朔望不面天顏臣請今後朔望入閣即從常禮如不入
閣即請朔望日起居冀面聖顏以伸誠敬

周太祖廣順元年四月壬辰朔帝御廣政殿羣臣起居
十月壬寅雪尺餘放朝

二年十一月癸丑朔入閣

顯德元年八月壬寅朔帝御崇元殿文武百寮入閣仗

衛如儀十一月辛未朔帝御崇元殿文武百官入閣仗

衛如儀二年四月己亥帝御崇元殿文武百官入閣

仗衛如儀八月丁酉朔帝御崇元殿百官入閣如儀

三年六月壬戌朔帝御崇元殿文武百官入閣仗衛如

儀

四年二月辛酉詔曰文武百寮起今後每遇入閣日宣
賜廊餐此有唐之舊制也自晉氏多故寢而不行上以

五禮通考卷第一
三
寵待廷臣故復有是命五月丁亥朔帝御崇元殿視朝
太常樂懸金吾仗衛如儀八月乙卯朔帝御崇元殿文
武百官入閣如儀既罷賜百官廊餐時帝御廣德殿西
樓以觀焉命中黃門閱視酒饌無不腆

右五代常朝

五禮通考卷第一百三十三

五禮通考卷第一百三十四

內廷供奉禮部右侍郎金匱秦蕙田編輯
李天保總纂魏君都御史桐城方觀承同訂

兩淮都轉鹽運使德水盧冕曾
直隸按察司副使元和宋堯
參校

嘉禮七

朝禮

宋史禮志常朝之儀唐以宣政爲前殿謂之正衙卽古
之內朝也以紫宸爲便殿謂之入閣卽古之燕朝也外
又有含元殿含元非正至大朝會不御正衙則日見羣
臣百官皆在謂之常參其後此禮漸廢後唐明宗詔羣
臣每五日一隨宰相入見謂之起居宋因其制皇帝日
御垂拱殿文武官日赴文德殿正衙日常參宰相一人
押班其朝朔望亦於此殿五日起居則於崇德殿或長
春殿中書門下爲班首長春卽垂拱也

蕙田案宋志謂古之內朝即治朝也

文獻通考宋朝因唐與五代之制文武官每日赴文明殿正衙常參宰相一人押班五日起居即崇德長春二殿中書門下為班首其長春殿常朝則內侍省都知押班率內供奉官以下并寄班等先起居次閣門使次三班使臣注節度觀察防禦團練刺史等子弟充供奉官侍禁殿直有旨令預內朝起居者次內殿當直諸班殿前指揮使左右班都虞候以下內殿直散直散指揮散都頭金槍班等次長入祇候東西班殿侍次御前忠佐次殿前都指揮使率軍校至副指揮使次駙馬都尉任刺史以上者經本班次諸王府僚次殿前司諸軍使都頭次皇親將軍以下至殿直次行門指揮使率行門起居以上並兩侍贊如傳宣前殿不坐即宰相與樞密使文明殿學士三司使翰林樞密直學士中書舍人三司副使起居注皇城內監庫藏朝官諸司使副內殿崇班供奉官侍禁

殿直翰林醫官待詔等同班入中書舍人乾德後始令赴內朝三司判官太平興國前赴內殿其後罷之

止隨百官五日起居中書舍人知起居注遇五日起居之時亦各付外朝

指揮使率軍校至副指揮使次使相次節度使次統軍

次兩使留後觀察使次防禦團練使刺史次侍衛馬軍

步軍使都頭起居畢見謝班入如御崇德殿即樞密使

以下先就班俟升坐諸司使副以下至殿直分東西對立餘皆北向長春殿皆北向宰相參知政

事最後入以上並閣門贊謁日止再拜朔望及三日假即樞密使

以下皆舞蹈國初近侍執事之臣皆赴晚朝後罷之凡

早朝宰相樞密宣徽使起居畢同升殿問聖體宰相奏

事樞密宣徽使退候宰相對畢樞密使復入奏事次三

司開封府審刑院遇百官起居即樞密宣徽使侍立俟左右巡使出即退其崇德殿三司使文明樞密直學士內各首使仍侍立

舊三司使奏事副使判官同對其後止副使司之及羣臣以次升殿自兩大中祥符九年詔自今有大事許判官同上之使出入要切者欲面議奏事則先聽進止其見謝辭官以次入於庭

出使開慢及未升朝官或止拜于殿門外自祕書監上將軍觀察使
內客省使以上得拜殿前階上及升殿止拜御座前餘皆庭中也
凡見者先
之謝次之辭又次之

其班次先宰相次親王次樞密副使參知政事次
內職內臣次使三司學士兩省御史臺文武班節

便以下次將
軍校次雜班
惟宰相親王使相赴崇德殿即宣徽使通喚餘

皆側立候通再拜舞蹈致詞辭即不舞蹈見即將相升

殿問聖體其賜分物酒食及收進奉物皆舞蹈稱謝

凡收
進奉物
皆入謝幕職州縣官謝辭即判銓官引對兼於殿門外宣

辭戒勵凡國有大慶瑞出師勝捷樞密使率內職軍校

入賀致詞閣門使宣答訖當侍立者升殿次百官入宰

相致詞宣徽使宣答賜酒即預坐官後入作樂送酒如

曲宴之儀

凡視朝退進食訖易服御崇政殿或承明殿先羣臣

告謝

自諫舍知雜御史以上及帶三司節王府僚屬歷官醫官刺史以上上
將軍并發運使轉運使并許焉自非宣制並捧官告勅敘謝其貴近者
或賜坐賜茶餘或改章服
即謝訖易服又告謝再拜次軍頭引見司奏事於殿陛下次

三班審官院流內銓刑部及諸司引見官吏

後詔審官院
引對京朝官奏課不得過二人差遣不得過五人

如假日起居辭見畢即移御

座臨軒視事既退復有羣司奏或閱器物之式謂之

後殿再坐

蕙田案宋制每日常參五日起居並稱常朝

文獻通考所云長春殿常朝宋志謂之垂拱

殿起居其實一也

宋史禮志建隆元年八月朔太祖常服御崇元殿設仗

衛文武百官入閣始置待制候對官乃以工部尚書竇

儼待制太常卿邊光範候對仗退賜食廊下

文獻通考五代以來既廢正衙立仗而入閣亦希闊

不講至是復行之然御前殿非唐舊制矣崇元殿即

大慶殿前殿也待制候對者亦唐制也每正衙置待

制官兩員正衙退後又令六品以下官於延英候對
皆所以備顧問其後每入閣卽有待制次對官後唐
天成中廢至是復行之廊下食起唐貞觀其後常參
官每日朝退賜食謂之廊餐唐末浸廢但於入閣起
居日賜食今循其制

文獻通考建隆三年三月詔內殿起居日令百官以次
轉對限三人爲定其封章於閣門通進復鞠躬自奏宣
徽使承旨宣答拜舞而出

宋史禮志乾德四年四月朔帝服通天冠絳紗袍御崇
元殿視朝設金吾仗衛羣臣入閣

文獻通考六年九月始以旬假日御講武殿近臣但赴
早參幸相以下皆具靴務
諸司使以下悉繫鞵其節假及太祠並如令式處分

蕙田案宋史禮志原注講武殿又名崇政

宋史禮志開寶九年四月詔旬休日不視事

文獻通考太宗卽位旬休日復視事講武殿其後又詔

自今內外百司除舊制給假外每月旬假上巳社重午
重陽並休務一日三司開封府事關急速不在此限遇

初寒盛暑大雨雷雪當議放朝

宋史禮志太宗淳化二年十一月詔以十二月朔御文

德殿入閣令史館修撰楊徽之張洎定爲新儀前一日

有司供帳於文德殿宋初曰
文明是日旣明先列文武官於殿

庭之東西百官軍校行軍副使等序班於正衙門外屏

南階下次御史中丞三院御史序立中丞獨穿金吾班

過揖兩班一揖歸本位次監察御史兩員監閣於正衙

門外屏北階上北面立次中書門下文明翰林樞密直

學士兩省官分班立次司天奏辰刻次閣門版奏班齊

皇帝服鞞袍乘輦至長春殿駐輦樞密使以下奏謁前
導至文德殿殿上承旨索扇捲簾皇帝升位扇卻儀鸞
使焚香次文武官等拜次司天雞唱次閣門勘契次閣
門使承旨呼四色官喚仗南班有辭謝者再拜先退中
書門下班對揖序立正衙門外屏北階上次翰林學士
兩省官中丞侍御史序立次金吾將軍押細仗入正衙
門後橫行拜訖分行上黃道仗隨入金吾將軍至龍墀
分班揖訖序立次吏部侍郎執文武班簿入對揖立次
中書門下學士兩省御史臺官入北面拜訖上黃道將
至午階殿鞞急趨赴丹墀彈奏御史至吏部侍郎南便
落黃道急趨就位起居郎舍人至兵部吏部侍郎後急
趨而進飛至香案前皆揖訖序立次金吾大將軍先對
揖並鞠躬殿鞞行至折方石位又對揖北行至奏事石

位鞠躬一員奏軍國內外平安倒行就位次引文武班
就位揖訖鞠躬殿鞞急趨入沙墀次引侍從班橫行宰
相祝月起居畢分班序立文武兩班出序立於衙門外
刑法待制官赴監奏位中書門下夾香案侍立兩省御
史臺官學士兵部吏部侍郎金吾將軍監閣御史並相
次出就衙門外立惟學士並門側北候宰使中書門下詣香案前奏曰中
書公事臣等已具奏聞訖乃退揖殿出次刑法官待制
官各奏事並宣徽使答訖乃出就班次彈奏官左右史
出閣內失儀者彈紀如式彈奏官失儀起居郎紀之起
居郎失儀閣門使紀之閣門使失儀宣徽使紀之凡出
者皆殿鞞急趨揖殿次中書門下學士就位閣門使宣
放仗再拜賜廊下食又再拜次閣門使奏閣內無事文
武官出殿上索扇垂簾輦還宮其賜廊下食自左右勤

政門北東西兩廊文東武西以北爲上立定中丞至本位面南一揖乃就坐食至臺吏贊乃搯笏食訖復贊食畢而罷五月朔命有司增黃麾仗二百五十人令文武官隨中書門下橫行起居徙翰林學士位於參知政事後與節度使分東西揖殿出眞宗凡三行之景德以後其禮不行

揮塵後錄時江南張洎獻狀述朝會之制得失明著其要云今之乾元殿卽唐之含元殿也在周爲外朝在唐爲大朝冬至元日立全仗朝百國在此殿也今之文德殿卽唐之宣政殿在周爲中朝在漢爲前殿在唐爲正衙凡朔望起居冊拜后妃皇太子王公大臣對四夷君長試制策科舉人在此殿也昔東晉太極殿有東西閣唐制紫宸上閣法此制也且人君恭

己南面嚮明而理紫微黃屋至尊至重故巡幸則有大法駕從之盛御殿則有勾陳羽衛之嚴故雖隻日常朝亦猶立仗前代謂之入閣儀者蓋隻日御紫宸上閣之時先於宣政殿前立黃麾金吾仗候勘契畢喚仗卽自東西閣門入故謂之入閣今朝廷且以文德正衙權宜爲上閣甚非憲度况國家繼百王之後天下昇平凡曰憲章咸從損益惟視朝之禮尚自因循竊見長春殿正與文德殿南北相對殿前地位連橫街亦甚廣博伏請改創此殿作上閣爲隻日立仗視朝之所其崇政殿卽唐之延英是也爲隻日常時聽斷之所庶乎臨御之式允協前經今論以入閣儀注爲朝廷非常之禮甚無謂也

蕙田案張洎論入閣之說當矣宋初去五代

未遠故承其誤至熙甯始罷入閣之禮

初羣臣見辭謝皆赴正衙淳化二年知雜御史張郁言正衙之設謂之外朝凡羣臣辭見及謝先詣正衙見訖御史臺具官位姓名以報閣門方許入對此國家舊制也自乾德後始詔先赴中謝後詣正衙而文武官中謝後次日並赴正衙內諸司遙領刺史閣門通事舍人以及上新授者亦赴正衙辭謝出使急速免衙辭者亦具狀報臺違者罰俸一月其內諸司職官并將校至刺史以上新授者欲望同百官例赴正衙謝從之

淳化二年詔自今內殿起居日復令常參官二人次對閣門受其章

太宗本紀淳化三年五月甲午朔御文德殿百官入閣文獻通考是歲令有司復舉十五條一朝堂行私禮

一跪拜三待漏行立失序四談笑喧譁五入正衙門執笏不端六行立遲緩七至班列行立不正八趨拜失儀九言語微喧十穿班仗十一閣門不卽就班十二無故離位十三廊下食行坐失儀語喧十四不從正衙門出入十五非公事入中書犯者罰一月俸有司振舉拒不伏者錄奏乞行貶降其後每罰減半

真宗本紀咸平二年八月辛亥御文德殿文武百官入

閣

禮志真宗咸平三年五月朔雨命放仗百官常服起居於長春殿退詣正衙立班宣制

咸平六年命翰林學士梁顥等詳定閣門儀制成六卷因上言三司副使序班朝服比品素無定列至道中筵會在知制誥後郎中前今請同諸司少卿監班位在上

如官至給諫卿監者自如本品朝會大宴隨判使赴長
春殿起居引駕其朝會引駕至前殿與諸司使同退
景德二年光祿寺丞錢易言竊覩文德殿常朝班不及
三四十人蓋以凡掌職務止赴五日起居頗違舊章望
令並赴朝參乃詔應三館祕書閣尚書省二十四司諸
司寺監朝臣內殿起居外並赴文德殿常參其審刑院
大理寺臺直官開封府判官推官司錄兩縣司天監翰
林天文監倉場庫務等仍免

三年復詔羣臣轉對其在外京宮內殿崇班以上候得
替先具民間利害實封於閣門上進方得朝見

大中祥符二年御史知雜趙湘言伏見常參官每日趨
朝多不整肅舊制並早赴待漏院候開內門齊入伏緣
每日迨辰以朝以故後時方入又風雨寒暑即多稱疾

宜令知班驅使官視其入晚者申奏疾者遣醫親視

真宗本紀大中祥符三年閏二月辛亥帝御文德殿羣

臣入閣

禮志大中祥符四年閏三月太常禮院閣門言準詔同
詳定閣門使李端慤所奏閣門儀制宰臣與親王立班
坐位分左右各爲班首宰臣樞密使帶使相或帶郡王
并使相作一行總爲中書門下班其親王獨行一班者
準封爵令兄弟皇子皆封國謂之親王所以他官不可
參綴檢會坐次圖直將宗室使相輒綴親王蓋更張之
時未見親王遂致失於講求近見朝拜景靈宮東陽郡
王顥亦綴親王班竊恐未安今取到閣門儀制其合班
宰臣使相在東親王在西分班立又祥符元年宴坐次
圖宰臣王旦與使相石保吉在東甯王元偓舒王元偁

廣陵郡王元儼節度使惟吉在西分班坐其元儼惟吉是郡王與節度使許綬親王班竊慮當時出自特旨今來檢尋元初文字不見在先朝只依祥符元年宴坐次圖親王及帶使相郡王在西爲一班臣等參詳請依閣門儀制親王在西獨爲一班宗室郡王帶使相許綬親王立班坐次卽係臨時特旨從之

職官志大中祥符九年正月興利州團練使德文言男侍禁承顯赴起居請在惟忠子從恪之上時從恪雖姪行而拜職在前遂詔宗正寺定宗室班圖以聞宗正言案公式令朝參行立職事同者先爵爵又同者先齒今請宗子官同而兄叔次第姪者並虛一位而立

真宗本紀天禧元年秋七月丁未霖雨放朝十二月丙子嚴寒放朝四年九月己未久雨放朝冬十月戊寅

命依唐制雙日不視事十一月辛未詔自今羣臣五日於長春殿起居餘隻日視朝於承明殿

禮志天禧四年十月中書門下言唐朝故事五日一開延英隻日視事雙日不坐方今中外晏甯政刑清簡望準舊事三日五日一臨軒聽政隻日視事雙日不坐至於刑章錢穀事務遣差臣僚除急切大事須面對外餘並令中書樞密院附奏詔禮儀院詳定雙日前後殿不坐隻日視事或於長春殿或於承明殿應內殿起居羣臣並依常日起居餘如中書門下之儀俄又請隻日承明殿常朝依假日便服視事不鳴鞭詔可

真宗本紀天禧五年冬十月壬子依漢唐故事五日一受朝遇慶會皇太子押班

仁宗本紀景祐元年九月壬辰百官請隻日御前殿如

先帝故事詔可

宋庠傳庠寶元中以諫議大夫參知政事庠儒雅練習故事嘗從容論及唐入閣儀庠退而上奏曰入閣乃有唐隻日於紫宸殿受常朝之儀也唐有大內又有大明宮宮在大內之東北世謂之東內高宗以後天子多在大明宮之正南門曰丹鳳門門內第一殿曰含元殿大朝會則御之第二殿曰宣政殿謂之正衙朔望大冊拜則御之第三殿曰紫宸殿謂之上閣亦曰內衙隻日常朝則御之天子坐朝須立仗於正衙殿或乘輿止御紫宸即喚仗自宣政殿兩門入是謂東西上閣門也以本朝宮殿視之宣德門唐丹鳳門也大慶殿唐含元殿也文德殿唐宣政殿也紫宸殿唐紫宸殿也今欲求入閣本意施於儀典須先立

仗文德庭如天子止御紫宸即喚仗自東西閣門入如此則差與舊儀合但今之諸殿比於唐制南北不相對又案唐自中葉以還雙日及非時大臣奏事別開延英殿若今假日御崇政延和是也乃知唐制無過坐朝日即爲入閣其後正衙立仗因而遂廢甚非禮也

康定元年六月丙戌詔假日御崇政殿視事如前殿禮志康定初詔中書樞密三司大節大忌給假一日小節旬休並後殿奏事前後毋得過五班餘聽後殿對御廚給食假日崇政殿辰漏上入內進食俟再坐復對文獻通考英宗治平四年詔御史臺每遇起居日令百僚轉對御史臺請依閣門儀制諭兩省及文班秩高者二員於百官起居日轉對若兩省官有充學士待制則

綴樞密班起居內朝臣僚不與詔從之又詔遇轉對日增二員

宋史禮志神宗卽位御史中丞王陶以皇祐編勅宰臣押班儀制移中書謂天子新卽位大臣不應隳廢朝儀不報舊制祖宗以來日御垂拱殿待制諸司使以上俱赴而百官班文德殿日常朝五日皆入曰起居平時宰相垂拱殿奏事畢赴文德殿押班或日昃未退則閣門傳宣放班多不復赴王陶以韓琦曾公亮違故事不押班爲不恭劾之琦公亮上表待罪且言唐及五代會要月九開延英則餘日宰相當押正衙班及延英對日未御內殿前傳宣放班則宰相不押正衙班明矣自祖宗繼日臨朝宰相奏事至祥符初始詔循故事押文德班以妨職浸廢乃至今日請下太常禮院詳定陶坐紕司

馬光代爲中丞請令宰相遵國朝舊制押班不須詳定尋詔宰相春分辰初秋分辰正垂拱殿未退聽勿赴文德殿令御史臺放班光又言垂拱奏事畢春分以後鮮有不過辰初秋分以後鮮有不過辰正然則自今宰臣常不至文德殿押班請春分辰正秋分巳初奏事未畢卽如今詔庶幾此禮不至遂廢迺詔春秋分率以辰正文獻通考熙甯元年詔自今授外任者許令轉訖朝辭宋史禮志熙甯初閣門言舊制中書省樞密院奏事退再引三班假日則兩班或再御後殿引對多及午刻遇開經筵卽至申未恐久勞聖躬請遇經筵日自二府奏事外止引一班或有急奏及言事官請對卽取旨俟罷經筵日仍舊又言假日御崇政殿每遇辰時則隔班過延和殿再引不待進食至巳刻隔班取旨尚許引對請

自今隔班過延和殿俟已進食再引遇寒暑大風雨雪
卽令次日引對詔自今授外任者許令轉對訖朝辭監
察御史裏行張戩程顥言每欲奏事必俟朝旨或朝政
有闕及聞外事而機速後時則已無所及况往復俟報
必由中書萬一事干政府則或致阻格請依諫官例牒
閣門求對或有急奏卽許越次登對庶幾遇事入告無
憂失時又以編修閣門儀制所言三衙有急奏許於後
殿登對若別有奏陳則報閣門如常制或假日御崇政
殿則於已得旨對班後續引且許兩制以上同班奏事

蕙田案文獻通考載張戩程顥奏在熙甯二
年

文獻通考熙甯三年知制誥宋敏求等言文德殿入閣
儀制考之國朝會要與今儀制所載頗或異同案今文

德殿唐宣政殿也紫宸殿唐紫宸殿也然祖宗朝皆嘗
御文德殿入閣唐制嘗設仗衛於宣政殿或遇上坐紫
宸卽喚仗入閣如此則當御紫宸殿入閣方協舊制請
下兩制及太常禮院詳定詔學士院議翰林學士承旨
王珪等言案入閣者乃唐隻日紫宸殿受常朝之儀也
唐制天子坐朝必立仗於正衙若止御紫宸卽喚正衙
仗自宣政殿東西閣門入故爲入閣五代以來遂廢正
衙立仗之制今閣門所載入閣儀者止是唐常朝之儀
非爲盛禮不可遵行從之自是入閣之禮遂罷敏求又
言本朝以來惟入閣乃御文德殿視朝今旣不用入閣
儀卽文德殿遂闕視朝之禮請下兩制及太常禮院約
唐制御宣政殿裁定朔望御殿儀以備正衙視朝之制
詔學士院詳定儀注學士韓維等以入閣圖增損裁定

上儀曰朔日不值假前五日閣門關諸司排辦前一日
有司供帳於文德殿其日左右金吾將軍常押本衛仗
判殿中省官押細仗先入殿庭東西對列文武官等分
東西序立諸軍將校分入北向立朝堂引贊官引彈奏
御史二員入殿門踏道當下殿北向立次催文武班分
入並東西相向對立諸軍將校即於殿庭北向立班其班次並
御史臺皇帝服鞞袍垂拱殿坐鳴鞭內侍閣門管軍依朔
望常例起居次引樞密宣徽使三司使副樞密直學士
內客省使以下至醫官待詔及修起居法官二員並大
起居皇帝乘輦至文德殿後閣門奏班齊皇帝自後閣
出殿上索扇片榻鳴鞭扇開簾捲儀鸞使焚香喝文武
官就位四拜起居雜人唱時舍人於彈奏御史班前西
向喝大起居御史由文武班後至對立位次引左右金

吾將軍合班於宣制石南大起居班首出班躬奏軍國
內外平安歸位再拜各歸東西押仗位通喝舍人於宣
制石南北向對立舍人退於西階次揖宰臣親王以下
躬奏文武百僚宰臣某姓名以下起居分引宰臣以下
橫行諸軍將校仍舊立閣門使喝大起居舍人引宰臣
至儀石北俛伏跪致詞祝曰其詞曰文武百僚宰臣全銜某姓
受時社與天無窮臣等歸位五拜閣門使揖中書由東階升殿
無任懼呼忱蹈之至樞密使帶平章事以上由西階升殿侍立給事一員
以知門下封歸左省位立轉對官立於給事中之南如罷轉對官
駁事官充南兵部侍郎於右省班南與吏部侍郎東西相向立定
前期牒請文官二員並依轉搢笏各出班籍置笏上吏部兵部侍郎以知審官東西院官
對官例先于閣門投進奏狀以下分班出引轉對官於宣制石南宣徽使殿上承旨

宣答如儀次吏部兵部侍郎及刑法官對揖出見謝辭班自從別儀

次彈奏御史無彈奏對揖出如有彈奏並如儀引給事中至宣制

石南揖躬奏殿中無事喝祇候揖西出次引修起居注

官次立排立供奉官以下各合班於宣制石南躬喝祇

候揖分班出喝文武官等門外祇候出索扇垂簾皇帝

降座鳴鞭舍人當殿承旨放仗四色官殿鞞急趨至宣

制石南稱奉勅放仗金吾將軍并判殿中省官對拜訖

隨仗出親王使相節度使至刺史學士臺省官文武百

僚諸軍將校等並序班朝堂謝賜茶酒皇帝御垂拱殿

座中書樞密及請對官奏事不引見謝辭班後殿座臨

時取旨其日遇有德音制書御札仍候退御垂拱殿座

制箱出外應正衙見謝辭文武臣僚並依御史臺儀制

喚班依序分入於文武班後以北為首分東西相向重

行異位依見謝辭班序位餘押班臣僚於班稍前押班

候刑法官對揖出分引近前揖躬舍人當殿宣班引轉

對班見謝辭並如紫宸殿儀樞密使不帶平章事參知

政事至同簽書樞密院事宣徽使並立於宣制石稍北

宰臣親王樞密帶平章事使相繫押班者立於儀石南

餘官並立於宣制石南並合贊喝閣門使謝辭揖西出其合問聖體者並如儀餘官分班出彈奏御史候見

謝辭班絕對揖出其朝見如謝都城門外御筵及詔赴闕謝茶藥撫問之類不可

應正衙見謝辭臣僚前一日於閣門投詣正衙勝子閣

門下奏目又投正衙狀於御史臺四方館應朔日或得

旨罷文德殿視朝止御紫宸殿起居其已上奏目正衙

見謝辭班並放免依官品隨赴紫宸殿引或值改依常

朝文德殿自有百官班日並如舊儀應外國蕃客見辭

候喚班先引赴殿庭東邊依本國職次重行異位立候

見謝辭班絕西向躬舍人當殿通班轉於宣制石南北

向立贊喝如儀西出其酒食分物並門賜如有進奉候

彈奏御史出入進奉入惟御馬及擔林自殿西偏門入東偏門出其進

賜進奉出節次候進奉出給事中奏殿中無事出其後殿再

如紫宸殿儀式座合引出者從別儀其日賜茶酒宰臣樞密於閣子親

王於本廳使相宣徽使觀文殿大學士至寶文閣直學

士兩省官待制三司副使文武百官皇親使相以下至

率府副率及四廂都指揮使以下至副都頭並於朝堂

如朝堂位次不足即管軍節度使至四廂都指揮使節度使兩

于朝堂門外序次使留後至刺史並於客省廳詔依所定

宋史禮志熙寧六年正月西上閣門副使張誠一言垂

拱殿常朝先內侍唱內侍都知以下至宿衛行門計一

十八班起居後通事舍人引宰執樞密使以下大班入

次親王次侍衛馬步軍都指揮以下次皇親使相以下

十班入方引見謝辭或遇百官起居日自行門後通事

舍人引樞密以下次親王使相以下至刺史十班入方

奏兩巡使起居立定方引兩省官入次閣門引宰臣以

下大班入起居畢候百官出絕兩省班出次兩巡使出

中書樞密方奏事已是日高况大班本不分別丞郎給

諫臺省及常參官今獨使相以下曲為分別虛占時刻

請遇垂拱殿百官起居日將親王以下十班合為四班

親王為一班侍衛馬步軍都指揮使為一班皇親使相

以下至刺史重行異位為兩班可減六班如垂拱殿常

朝不係百官起居或紫宸殿百官起居其親王使相以

下班並依舊儀序入起居從之

神宗本紀熙甯七年八月集賢院學士宋敏求上編修
閣門儀制

禮志元豐中官制行始詔侍從官而上日朝垂拱謂之
常參官百司朝官以上每五日一朝紫宸爲六參官在
京朝官以上朔望一朝紫宸爲朔參官望參官遂爲定
制

神宗本紀元豐三年二月丙辰始御崇政殿視朝五月
乙丑詔自今三伏內五日一御前殿

文獻通考三年九月引進使李端愨言近朔望御文德
殿視朝初寒盛暑數煩清蹕而紫宸朝歲中罕御請朔
日御文德既望坐紫宸庶幾正衙內殿朔儀並舉從之

蕙田案宋史禮志載李端愨奏在熙甯六年
今以通考爲定

宋史禮志元豐既定朝參之制侍御史知雜事蒲中行
上言文德正衙之制尚存常朝之虛名龔橫行之謬例
有司失於申請未能釐正兩省臺官文武百官赴文德
殿東西相向對立宰臣一員押班聞傳不坐則再拜而
退謂之常朝遇休假併三日以上應內殿起居官畢集
謂之橫行自宰臣親王以下應見謝辭者皆先赴文德
殿謂之過正衙然在京釐務之官例以別敕免參宰臣
押班近年已罷而武班諸衙本朝又不常置故今之赴
常朝者獨御史臺官與蕃官待次階官而已今垂拱內
殿宰臣以下既已日參而文德常朝仍復不廢舛謬倒
置莫此爲甚至於橫行參假與夫見謝辭官先過正衙
雖沿唐之故事然必俟天子御殿之日行之可也詔下
詳定官制所言今天子日聽政於垂拱以接執政官及

內朝之臣而更於別殿宣敕不坐實爲因習之誤兼有執事升朝官五日一赴起居而未有執事者反謂之參疏數之節尤爲未當又辭見謝自己入見天子則前殿正衙對拜爲虛文其連遇朝假則百官司赴大起居不當復有橫行參假宜如中行言於是常朝正衙橫行之儀俱罷

元豐中詔尚書侍郎同郎官一員奏事郎中員外郎番次隨之不許獨留身侍郎以下亦不許獨請奏事其左右選非尚書通領者聽侍郎以上郎官自隨祕書殿中省諸寺監長官視尚書貳丞以下視侍郎又詔三省樞密院獨班奏事日無得過三班若三省俱獨班則樞密院當請奏事其見任官召對訖次日卽朝辭回任聽旨元豐八年二月詔諸三省御史臺寺監長貳開封府推

判官六參職事官赤縣丞以上寄祿升朝官在京釐務者望參不釐務者朔參

哲宗本紀元祐元年五月壬午詔文彥博班宰相之上禮志元祐元年五月詔太師平章軍國重事文彥博已降旨令獨班起居自今赴經筵都堂同三省樞密院事並序位在宰臣之上

元祐四年十月以戶部尚書呂公孺言詔朔參官兼赴望參望參官兼赴六參

哲宗本紀元祐五年夏四月癸丑詔講讀官御經筵退留一員奏對邇英閣丁巳詔以旱避殿減膳罷五月朔日文德殿視朝

禮志元祐中宰臣呂大防言昨垂簾聽政惟許臺諫以二人同對故不正之言無得以入今陛下初見羣臣請

對者必眾既人人得進則善惡相雜故於采納尤難帝曰人君以納諫爲上然邪正則不可不辨遂詔上殿班當直牒及帥臣國信使副許依元豐八年以前儀制哲宗本紀元祐七年五月庚子罷侍從官轉對紹聖四年四月己酉復文德殿侍從轉對禮志紹聖初臣僚言文德殿視朝輪官轉對蓋襲唐制故祖宗以來每遇轉對侍從之臣亦皆與焉元祐閒因言者免侍從官轉對續詔執事官權侍郎以上並免自此轉對止於卿監郎官而已請自今視朝轉對依元豐以前條制

蕙田案侍從輪官轉對下情得以上達此唐宋良法也元祐免侍從轉對自此轉對止於卿監郎官而已紹聖中臣僚請依元豐已前

條制是也惜其時惇卞柄政附從皆僉壬耳又詔自今三省樞密院進擬在京文臣開封府推判官武臣橫行使副在外文臣諸路監司藩郡知州武臣知州軍以下取旨召對臣僚言每緣職事請對待次旬日遇有急奏深恐失事請自今後許依六曹開封例先次挑班上殿仍不隔班又言諸路監司朝廷所選以推行法令省問風俗朝辭之日當令上殿六曹尚書如有職事奏陳許獨員上殿其羣臣請對雖遇休假特御便殿聽納既又詔應節鎮郡守往令陞辭歸許登對不特審觀人材亦所以重外任也可於監司不許免對條下增入節鎮郡守依此十月御史臺言外任官到闕朝見訖並令赴朔望參尋又言元豐官制朝參班序有日參六參望參朔參已著爲令元祐中改朔參兼赴望參望參

兼赴六參有失先朝分別等差之意止依元豐儀令從之

徽宗本紀崇甯五年十二月壬戌詔臣僚休日請對特御便殿

禮志政和詳定五禮新儀有文德殿月朔視朝儀紫宸殿望參儀垂拱殿四參儀紫宸殿日參儀垂拱殿日參儀紫宸殿再坐儀崇政殿假日起居儀其文不載文獻通考重和元年臣僚言比年以來二三大臣奏對留身讒疏善良請求相繼甚非朝廷至公之體詔自今惟蔡京五日一朝許留身餘非除拜選秩因謝及陳乞罷免並不許獨班奏事令閣門報御史臺彈劾

蕙田案此蔡京箝制朝官沮塞言路所為豐亨之說日陳於上諂媚之風日成於下上壅

蔽而不聞臣專擅而無忌汙宋之所以亡也宋史徽宗本紀宣和四年十二月乙未詔監司未經陞對毋得之任

禮志臣僚言祖宗舊制有五日一轉對者今惟月朔行之有許朝官轉對者今惟待制以上預焉自明堂行視朔禮歲不過一再則是畢歲而論思者無幾請遇不視朔即令具章投進以備覽觀又諸路監司未經上殿者雖從外移先赴闕引對方得之官並從其議

高宗本紀建炎三年二月丁卯百官入見應迪功郎以上並赴朝參

紹興二年五月戊子手詔用建隆故事命百官日輪一人轉對

七年冬十月丁巳詔六參日輪行在百官一員轉對

十三年二月壬戌初御前殿特引四參官起居

孝宗本紀紹興三十二年五月壬辰詔百官日一人入

對

文獻通考紹興三十二年九月閣門言太上皇帝巡幸
以來上御後殿繼朝廷復興舊典於紹興十三年二月
四日初御前殿特令四參官起居伏自皇帝登寶位止
係後殿日分今已降旨九月十二日初御前殿欲乞是
日皇帝御垂拱殿四參官起居從之

隆興二年九月閣門言在京及行在舊例御前殿日分
值雨雪及泥濘得旨放朝參即改後殿坐今後乞依例
取旨從之

朝野雜記舊羣臣朝殿遇雨開隔門起居紹興中申
行之又詔從駕遇雨賜雨具景靈宮遇雨或地溼分

東西廂立班皆特恩也

宋史禮志孝宗乾道二年九月閣門奏垂拱殿四參

宰執侍從武臣正任文臣皇帝坐先讀奏目知閣以下次御帶

卿監員郎監察御史已上環衛官以下次忠佐殿前都指揮使以下次殿前司員

僚次皇太子次行門已上逐班並常起居次樞密學士

待制樞密都承旨以下知閣并祗應武功大夫以下通

班常起居次親王次馬步軍都指揮使次使相次馬步

軍員僚已上逐班並常起居次殿中侍御史入側宣大

起居訖歸侍立位次宰執以下並兩省官文臣百官入

相向立定通班面北立大起居訖凡常起居兩拜三省升殿

侍立次兩省官出次殿中侍御史對揖出三省樞密院

奏事次引見謝辭次引臣僚奏事訖皇帝起詔今後遇

四參日分起居班次可移殿中侍御史於宰執以下百

官班令次樞密以下班起居卻令親王并殿前都指揮使以下殿前司員僚逐班於宰執以下班後起居餘並從之

文獻通考乾道七年四月詔為暑熱依年例自五月十三日並後殿坐并放見謝辭及參假官候秋涼日取旨今後準此

孝宗本紀七年十二月庚申詔閣門舍人依文臣館閣以次輪對

淳熙七年九月癸亥詔自今常朝毋稱丞相名甲子命樞密使亦如之

禮志甯宗嘉定十二年正月臣僚奏竊見皇帝御正殿或御後殿固可開舉四參官亦有定日近者每日改常朝為後殿四參之禮亦多不講正殿後殿四參間免陛

下臨朝之日固未嘗輟而外廷不知聖意或謂姑從簡便非所以肅百執事也常朝之禮止於從臣後殿之儀從臣不與四參止及卿郎而乃累月僅或一舉咫尺天威疎簡至此非所以尊君上而勵百辟也伏願陛下嚴常朝後殿四參之禮起羣下肅謹之心彰明時勵精之治豈不偉哉從之

老學庵筆記先君言舊制朝參拜舞而已政和以後增以塔然紹興中予造朝已不復啗矣淳熙末還朝則迎駕起居閣門亦喝唱塔然未嘗出聲也又紹興中朝參止磬折遂拜今閣門習儀先以笏叩額拜謂之瞻芴亦不知起於何年
二老堂詩話歐公詩云玉勒爭門隨仗入牙牌當殿報班齊或疑其不然今朝殿爭門者往往隨仗而入及在廷排立既定駕將御殿閣門持牙牌列班齊二字候班齊小黃門接入上先坐後幄黃門復出揚聲云人齊未行門當頭者應云人齊上即出方轉照壁衛士即鳴鞭然此乃是駕出時常日則不同

右宋常朝

五禮通考卷第一百二十四

五禮通考卷第一百二十五

內廷供奉禮部右侍郎黃泰編輯

李天保總督蘇都御史觀承同訂

嘉禮八

朝禮

遼史禮志常朝起居儀味爽臣僚朝服入朝各依幕次
內侍奏班齊先引京官班於三門外當直舍人放起居
再拜各祇候次依兩府以下文武官於丹墀內面殿立
豎班諸司并供奉官於東西道外相向立定當直閣使
副贊放起居再拜各祇候退還幕次公服帝升殿坐兩
府并京官丹墀內聲喏各祇候教坊司同北班起居畢
奏事

燕京就嘉甯殿西京就同文殿朝服幘頭袍笏公服

紫衫帽

正座儀皇帝升殿坐警聲絕契丹漢人殿前班畢各依位侍立次教坊班畢捲退京官班入拜畢揖於右橫街西依位班立次武班入拜畢依位立文班入拜畢依位立北班入起居畢於左橫街東序班立次兩府班入鞠躬通宰臣某官以下起居拜畢引上殿奏事

已上六班起居並七拜內有不帶節度使班首止通名亦七拜捲班與常朝同直院有旨入文班留守司三司統軍司制置司謂之京官都部署司宮使副宮使都承以下令史北面主事以下隨駕諸司為武官館閣大理寺堂後以下御史臺隨駕間員令史司天台翰林醫官院為文官天慶二年冬教坊並服袍臣僚接見儀皇帝御座奏見膀子畢臣僚左入鞠躬通

文武百僚宰臣某官以下祇候見引面殿鞠躬起居凡七拜引班首出班謝面天顏復位舞蹈五拜鞠躬宣答問制再拜宣訖謝宣諭五拜各祇候畢可矮敦以上引近前問聖躬萬福傳宣問跋涉不易鞠躬引班舍人贊各祇候畢引右上準備宣問其餘臣僚並於右侍立宣答云卿等久居鄉邑來奉乘輿時屬霜寒或云炎蒸諒多勞止卿各平安好想宜知悉

太宗本紀會同三年四月庚子至燕備法駕入自拱辰門御元和殿行入閣禮

蕙田案遼史禮志不載入閣之儀儀衛志則云木契正面為陽背面為陰閣門喚仗則有之是亦有喚仗入閣之禮也

右遼常朝

金史熙宗本紀天眷二年三月丙辰命百官詳定儀制
四月甲戌百官朝參初用朝服

禮志朝參常朝儀及朔望儀準前代制以朔日六日十一日十五日二十一日二十六日爲六參日後又定制以朔望日爲朝參餘日爲常朝凡朔望朝參日百官卯時至幕次皇帝辰刻視朝供御弩手傘子直於殿門外分兩面排立司辰入殿報時畢皇帝御殿坐鳴鞭閣門報班齊執擎儀物內侍分降殿階兩傍面南立宿衛官自都點檢至左右親衛祇應官自宣徽閣門祇候先兩拜班首少離位奏聖躬萬福兩拜弩手傘子先於殿門外東西向排立俟奏聖躬萬福時即就位北面山呼聲喏起居畢即相對立擎御傘直立左班內侍上都點檢以次陞殿副點檢在少南東西相向立左右衛在殿

下東西相向立閣門乃引親王班贊班首名以下再拜訖班首少離位奏聖躬萬福歸位再拜畢先退次引文武百僚班首以下應合朝參官并府運六品以上官皆左入至丹墀之東西向鞠躬畢閣門通唱復引至丹墀閣門贊班首名以下起居舞蹈五拜又再拜畢領省宰執陞殿奏事殿中侍御史對立於左右衛將軍之北少前修起居東西對立於殿欄子內副階下餘退右出初帝就坐置寶匣於殿階上東南角後定制師傅起居畢御案始東入置定捧案內侍東西分下侍殿隅直日主寶捧寶當殿叩欄奏封主符寶郎及當監印郎中各一員當監手分令史用印訖主寶吏封授主寶俟奏事畢進封訖內侍徹案若常朝則親王班退引七品以上職事官分左右班入丹墀再拜班首稍前起居畢復位再

拜宰執升殿餘官分班退

海陵王本紀正隆元年三月壬寅朔始定職事官朝參等格仍罷兵衛

儀衛志初國制凡朔望常朝日殿下列衛士簾下置甲兵正隆元年海陵去甲兵惟存錦衣弩手百人分列兩階其儀都副點檢公服偏帶常朝則展紫左右衛將軍宿直將軍展紫金束帶各執玉水晶及金飾骨朵左右親衛盤裏紫襖塗金束帶骨朵佩兵械供御弩手傘子百人並金花交腳幞頭塗金銅鈸襯花束帶骨朵左右班執儀物內侍二十人展紫塗金束帶朝參日弩手傘子直於殿門外分兩面排立司辰報時畢皇帝御殿坐鳴鞭閣門報班齊執擎儀物內侍分降殿階南向立點檢司起居弩手傘子於殿門外北向山呼聲諾訖即於殿門外

東西相向排立都點檢以次二員陞殿都點檢在東近南左副又少南右副在西東向對立左右衛將軍在殿下東西對立省臣隨班起居畢左右司侍郎從宰執奏事殿中侍御史隨班起居畢東西對立於左右衛將軍之北少前修起居注分殿陞東西對立於殿欄外副階下以俟奏事畢皇帝還閣侍衛者乃退

禮志大定二年五月命臺臣定朝參禮五品以上職事官趨朝朝服入局治事則展阜自來朝參除殿前班外若遇朔望自七品以上職事官皆赴其餘朝日五品以上職事官得赴六品以下止於本司局治事如左右司員外郎侍御史記注院等官職雖不係五品亦赴朝參若拜詔則但有職事並七品以上散官皆赴朝參吏員令譯史通事檢法各於本局待官員朝退赴局簽押文

字不得於宮內署押七品以下流外職遇朝日亦不合入宮如左右司都事有須合奏事乃聽入宮七品以上職事官如遇使客朝辭見日依朔望日皆赴若元日聖節拜詔車駕出獵送迎詣祖廟燒飯但有職事并七品以上散官皆赴凡親王宗室已命官者年十六以上皆隨班赴起居

大定五年右諫議大夫移刺子敬言猛安謀克不得與州鎮官隨班入見非軍民一體之意上是其言責宣徽院令隨班入見

凡班首遇朝參有故不赴以次押班凡五品以上及侍御史尚書諸司郎中太常丞翰林修撰起居注殿中侍御史補闕拾遺赴召或假一月以上若除官出使之類皆通班入見辭謝除官於殿門外見謝班皆舞蹈七拜

辭班四拜門見謝辭並再拜

十七年詔以皇族袒免以上親雖無官爵封邑若預宴當有班次禮官言案唐典皇家周親視三品大功親小功尊屬視四品小功親總麻尊屬視五品總麻袒免以上視六品上令以此制爲班次

黃久約傳世宗時左諫議大夫黃久約侍朝故事宰相奏事則近臣退避久約欲趨出世宗止之自是諫臣不避以爲常

章宗本紀承安四年春二月壬申諭有司自三月一日爲始每旬三品至五品官各一人轉對六品亦以次對臺諫勿與有應奏事與轉對官相見無面對者上章亦聽三月戶部尚書孫鐸郎中李仲略國子祭酒趙忱始轉對香閣

泰和五年十一月戊戌大雪免朝參

宣宗本紀貞祐三年春正月辛巳皇太子疾輟朝四月
權參知政事德升言舊制夏至免朝四日一奏事上曰
此在平時可也方今多故勿謂朕勞遂云當免但使國
事無廢則善矣十二月戊子以軍事免樞密院官朝拜
四年春正月丁卯諭御史臺曰今日視朝百官既拜之
後始聞開封府報衙聲四方多故之秋弛慢如此可乎
中丞福興號素謹於官事者當一詰之
興定四年五月丙申以時暑免常朝四日一奏事

右金常朝

春明夢餘錄元世祖至元十一年正月旦始御大明殿受
朝賀及後天壽節皆行朝賀禮每日則宰執入延春閣
及別殿奏事而已

馬氏治曰百官朝見奏事古有朝儀今國家有天下
百年典章文物悉宜燦然光於前代况欽遇列聖文
明之主如科舉取士吏員降等之類屢復古制惟朝
儀之典不講而行使後世無以鑒觀則於國家太平
禮樂之盛實為闕遺且夫羣臣奏對之際御史執簡
史官執筆縉紳佩玉儼然左右則雖有懷姦利乞官
賞者亦不敢公出諸口如蒙間奏命中書省會集文
翰衙門官員究講參酌古今之宜或三日二日一常
朝則治道昭明生民之福也

蕙田案元有天下百年而常朝之典竟未及
舉故史冊所載闕焉其遜於遼金遠矣

右元常朝

明會典常朝御殿儀洪武初定凡早朝文官自左掖門

入武官自右掖門入如華蓋殿朝至鹿頂外東西序立
鳴鞭訖守衛官至鹿頂內行禮訖就侍立位各衙門官
以次行禮訖有事奏者入奏無事奏者四品以上及應
陞殿者入殿內侍立五品以下官出至鹿頂外列班北
向立候鳴鞭以次出如奉天殿朝俱於華蓋殿行禮奏
事畢五品以下官詣丹墀依品級列班重行北向立四
品以上及翰林院官給事中監察御史等官於中左中
右門伺候鳴鞭各詣殿內序立候朝退捲班以次出如
先於奉天殿朝後卻奏事者文武官於丹墀內依品級
重行北向立候鳴鞭行禮訖四品以上及翰林院官給
事中監察御史等官陞殿侍立五品以下仍前序立候
謝恩見辭人員行禮訖鳴鞭捲班退有事奏者於奉天
門或華蓋殿進奏無事奏者以次出 常朝御門儀洪

武初定凡早朝文官自左掖門入武官自右掖門入如
奉天門朝至金水橋南各依品級東西序立候鳴鞭訖
以次隨行至丹墀內東西相向序立守衛官先行禮畢
東西序立文武官入班行禮有事者以次進奏無事奏
者隨卽入班朝退捲班分東西出

春明夢餘錄常朝御門其御座謂之金臺既升座錦衣力士張五徽蓋四團扇
自東西陞立座後左右而內使一執蓋升立座上一執武備襍二扇立座後
正中武備之制一柄三刃而圍以鐵線裹以黃羅
袂如扇狀用則線圍自落三刃出焉防不虞也
又曰御門非古制也古制天子居總章明
堂惟閏月則居門故閏字從王從門也

蕙田案古者天子諸侯臺門每日視朝則於
此周禮師氏居虎門之左司王朝是朝於門
之證也孫氏以御門非古制失之

凡糾舉失儀洪武初令百官有未閑禮儀新任及諸武
臣聽侍儀司官每日於午門外演習御史二員監視有

不如儀者糾舉百官入朝失儀者亦糾舉如律又令朝班每日都察院輪委監察御史二員侍班糾察失儀凡雜儀令百官入朝遇雨雪許服雨衣凡行走洪武初令百官早朝入班行禮及朝退捲班俱分文武西不許徑越御道東西行走如在奉天門朝其有事東西往來者出至金水橋南行過 凡謝恩見辭洪武二年令在京文武官有故告假及出使皆奉辭還皆奉見而奉特旨授官及除授內外百職皆即辭謝恩到任之日仍望闕行禮省選者亦到任日望闕行禮或除郡縣官給賜銀物聽宣諭者皆總行謝禮俱五拜三叩頭又令凡早朝謝恩見辭人員都察院輪委監察御史二員侍班凡謝恩者居先見者次之辭者又次之俱行五拜三叩頭禮凡內外諸司文武官員已入流者謝恩見辭必具

公服行禮其或常服見者綴班後如以軍務遠來及承制使還卽時引見者不在此例凡在外諸司遣人來朝及朝使還京者俱先朝見後詣所司否者以違制論昭代典則洪武三年正月癸巳命宰臣定百官入侍班序

明太祖實錄初帝以天下初定欲通君臣之情日詔百官悉侍左右詢問民情咨訪得失或考論古今典禮制度故雖小官亦得上殿至有踰越班序者至是帝謂宰相曰朝廷之上禮法爲先殿陛之間嚴肅爲貴朕始欲咨訪庶事故令百官入侍左右至班序失次非所以肅朝儀也自今文武百官入朝除侍從中書省大都督府御史臺指揮使六部尚書侍郎等官許上殿其餘文武官五品以下竝列班於丹陛左右違者糾儀官舉正之

續文獻通考三年二月庚午帝問禮部尙書崔亮曰朕郊祀天地拜位皆正中而百官朝參則班列東西以避正中此何禮也亮對曰臣聞天子祭天升自午陛祭社升自子陛蓋社祭土而主陰故君升自子陛而南向答陰之義也郊祭天而主陽故君升自午陛而北向以答陽也若夫羣臣朝參於上非答神之義俱當避君上之尊故升降則俱由卯陛朝班則分列東西以避馳道此其義不同也帝曰臣之事君與君之事天其道不相遠也因命侍儀司自今百司朝參左右班相去不得越二尺其省府臺官俱就甬道上拜謁但不得直行甬道而已

明太祖實錄三年三月禮部奏案宋制駙馬班次出入皆依官品今駙馬既授官職當依百官由西門出

入其班次品級當在百官之上如一品在一品之上二品在二品之上從之

續文獻通考七月己亥詔定朔望升殿儀崔亮奏朔望日上皮弁服御奉天殿百官公服於丹墀東西對立引班引合班北面再拜班首詣前同百官鞠躬唱某官臣某起居贊禮稱聖躬萬福復位皆再拜分班對立省府臺部官有奏由西階升殿奏畢降階引班引百官以次出如無事奏則侍儀由西階升殿奏知降階百官出制可
定百官朝參儀崔亮奏凡朝覲進表箋及謝恩皆公服如面除不及具服卽時謝恩者勿拘凡入午門毋相跪拜拱指入朝坐立毋越其等毋談笑誼諱指畫窺望凡近侍御前毋咳嗽吐唾如有舊患齟喘發者許卽退班

或一時感疾不能侍立者許同官掖出凡侍班奏事依舊儀含雞舌香如賜坐不許推讓或被顧問先起立對復問不必更起同列侍坐或被顧問一人奏對餘靜聽毋攙言如各有所見俟其人言畢方許前陳凡諸儒官於御前奏事或進呈文字恐有口氣體氣須退立二三步毋輒近御案凡立須於東西隅不得直前其入朝或錫宴俱不得素服制可

預綴錄今制早朝班定鴻臚官宣贊謝恩見辭行禮畢各官將奏事皆預咳一聲文武班中不約而同聲震如雷俗謂之打掃其有痰咳不可忍者許引退自便宣德間少詹事曾棨以痰咳作於班中引退上遙見之勅免其常朝成化中文華殿經筵戶部尚書馬昂以將咳退出殿門俟講畢仍同行禮餘未見有敢

先退者蓋昂初爲序班故尚習此例其他見此不以爲異則以爲失儀矣

明太祖實錄壬寅賜文武官朝服公服先是命省部會宏文館學士劉基等參考歷代制度爲之至是成始給賜凡大朝會天子袞冕御殿則服朝服見皇太子則服公服

四年三月癸丑中書省奏舉百官起居之禮及進膳用樂不許

五年三月己酉命將官子弟年幼者入國學稍長令隨班朝參以觀禮儀

六年九月丙午禮部奏定百官常朝班次及奏事等禮儀

十一年三月丁酉始製牙牌給文武朝臣其製以象牙

爲之刻官稱於上凡朝參佩以出入有不佩者門者卻
之私相借者論如律有故則納之內府其在外來朝百
司官無牌者則於各門附名以入

明會典洪武十四年定凡朔望日文武百官各具朝服
俟鼓三嚴公侯一品二品官入東西角門俟其餘三品
以下先於丹墀內班橫行序立鐘三鳴公侯一品二品
以次入班序立鐘鳴畢儀禮司奏外辦導駕官導上出
陞御座鳴鞭訖鳴贊唱班齊通贊詣中道班首臣某等
起居聖躬萬福畢百官行五拜禮儀禮司奏禮畢而退
明太祖實錄洪武十六年十一月甲寅詔定朝參官坐
次凡奉天門賜坐公侯至都督僉事坐於門內守衛指
揮坐於都督僉事之後稍南六部尙書及署都督府事
官坐於門外皆東西向六部侍郎十衛指揮應天府尹

國子祭酒翰林院官諫官僉都御史坐於西角門東向
若華蓋殿則公侯及都督僉事坐於殿內尙書及署都
督府事官坐於鹿頂內六部侍郎及十衛指揮應天府
尹國子祭酒翰林院官諫官僉都御史坐於鹿頂外皆
東西相向

明史禮志十七年罷朔望起居禮後更定朔望御奉天
殿常朝官序立丹墀東西向謝恩見辭官序立奉天門
外北向陞座作樂常朝官一拜三叩頭樂止復班謝恩
見辭官於奉天門外五拜三叩頭畢駕興
明太祖實錄十七年九月辛丑命公侯駙馬及文官三
品武官四品以上凡大朝會及常朝許由午門之右門
出入其有宣召及不時奏事文官四品武官五品以下
仍由左右掖門

二十年十月丁卯命禮部尚書李原名考正禮儀申布中外重定朝參及筵宴儀朝參儀八條一朝班序立公侯居文武班首次駙馬次伯自一品以下各以序文東武西風憲糾儀官居下北面紀事官居文武第一班之後稍近上以便觀聽不得攙越如奏事須從班末至御前跪奏不得班內橫過二文武官於御前侍坐遇大小官奏事必起立奏畢復坐若特旨賜坐者不拘三文武官出入朝門各加敬遜如一品以下遇公侯駙馬立則傍立行則後從餘倣此其有宣召不在此限四朝參官遇有聖諭須專心拱聽守而勿失五百官入午門內不得吐唾如朝參近侍病嗽者許卽退班六御前奏對務從誠實不許妄誕七隨從過丹墀中常北面不得南向左右環轉不背北如隨從升奉天門或丹陛不得徑行

中道及王道有旨令行於側隨行入朝門須拱手端行不得行私指禮

邱氏濬曰案前代朝儀無一定之制時有更改惟我朝自祖宗以來至於今日率循舊章一日三朝自古帝王所無也每日晨興上御奉天門文東武西侍鳴鞭畢鴻臚寺卿唱入班百官行叩頭禮分班侍立翰林學士侍御座左錦衣衛官俠陛西立六科給事中分侍左右御史分班北面立鴻臚官屬立其後先日謝恩見辭者於鴻臚寺報名至日先赴午門外俟百官叩頭畢鴻臚卿對御宣奏姓名員數於午門外行五拜三叩頭禮畢五府六部以次奏所司合行事次通政司引入於御前面奏請旨該司官出班承旨大理寺以下有事出奏無則已次禮科引差使考滿官

員次六科各奏旨意題本守衛揭帖賞賜鈔錠次鴻臚宣奏藩府邊鎮所遣使臣上命以酒飯賞賜既而兩京堂上官新陞者及在外三司來朝赴任者面見叩頭畢鴻臚卿唱奏事畢羣臣俱側身向上立鳴鞭畢上乘輦往御武英殿或文華殿閱章疏日率如此至午後出朝晚亦如之此每日常朝之制也每月朔望上皮弁服御正殿百官公服叩頭畢分班侍鴻臚卿宣奏謝恩見辭員數畢上出奉天門視朝如常儀臣竊考前代之制有所謂押班放仗入閣等名或失於粗略或失於煩瑣惟今日朝儀酌古準今實爲得中洪武二十年冬太祖皇帝諭大臣曰近者臣僚尊卑體統多未得宜爾等宜著禮儀以爲定式禮部尙書李原名等會官著爲禮儀定式一書凡三十七條

所謂朝參之禮有八焉頒行既久而奉行者偶因一時之便遂襲以爲故事旁觀者雖知其非而不復以爲言後來因以爲當然者亦或有之竊觀前代朝會班次皆著成圖式載在文獻通考諸書者可考也乞勅大臣及翰林院鴻臚寺官將累朝實錄及禮儀定式等書再稽洪武永樂年開以來事例詳加講究彙括節潤畫爲圖式懸於兩長安門用以表正百官觀示列辟俾人人知所趨避世世得以遵守永爲定制云

二十一年二月己巳禮部言今後朝參官門籍宜從各衙門自置從之

二十二年七月壬午給文武官朝服錦綬帝以民間不能製命工部織成頒賜之

文官五品以上
武官三品以上

明會典洪武二十四年定侍班官員凡文武官除分詣
文華殿啟事外如遇陞殿各用履鞅照依品級侍班有
違越失儀者從監察御史儀禮司糾劾東班則六部堂
上官各部堂掌印官都察院堂上官十三道掌印御史
通政司大理寺太常寺太僕寺應天府翰林院春坊光
祿寺欽天監尙寶司太醫院五軍斷事官及京縣官西
班則五軍都督及首領官錦衣衛指揮各衛掌印指揮
給事中中書舍人又凡朝班序立洪武二十四年令禮
部置百官朝班序牌大書品級列丹墀左右木柵之上
文武百官照品序立侍班又凡入朝次第洪武二十四
年令朝參將軍先入近侍官員次之公侯駙馬伯又次
之五府六部又次之應天府及在京雜職官員又次之
百官朝見儀凡百官朝見洪武二十六年定稽首頓

首五拜乃臣下見君上之禮先拜手稽首四拜後一拜
叩頭成禮稽首四拜者百官見東宮親王之禮其見父
母亦行四拜禮其餘官長及親戚朋友相見止行兩拜
禮

蕙田案明史禮志載洪武二十六年令凡入
殿必履鞅今以會典考之乃在洪武二十四
年疑志誤也

昭代典則洪武二十八年十月壬寅從禮部言罷百官
朝參賜食先是每日視朝奏事畢賜百官食帝御奉天
門或華蓋殿武英殿公侯一品官侍坐於門內二品至
四品及翰林院等官坐於門外其餘五品以下於丹墀
內文東武西重行列位贊禮贊拜叩頭然後就坐光祿
司進膳案從以次設饌食畢百官仍拜叩頭而退率以

爲常至是以職事眾多供億爲難罷之

郭正域典禮志洪武二十九年十月丁酉詔定各司奏事次第禮部議凡奏事先都督府次十二衛次通政使司次刑部次都察院次監察御史次斷事官次吏戶禮兵工五部次應天府次兵馬指揮使次太常司次欽天監若太常司奏祭祀則在諸司先每朝上御奉天門百官上謁畢儀禮司以次贊奏事奏畢復班若上御殿奏事官升殿以次奏畢先退其不升殿者俱於中左中右門外兩廊候奏事官出則皆出若文華殿啟事則詹事府在先凡晚朝惟通政使司六科給事中守衛官奏事其各衙門有軍情重事者許奏餘皆不許詔從之

明太祖實錄十一月乙卯朔詔免國子監生朔望朝參續文獻通考成祖永樂元年五月庚辰禮部請忌辰西

角門視朝禮部尙書李至剛等奏五月十日丙戌太祖高皇帝忌辰議於忌辰前二日上服淺淡衣服御西角門視事不鳴鐘鼓不行賞罰不舉音樂禁屠宰文武官服淺淡衣服黑角帶視朝從之仍命八月十日高皇后忌辰亦如之

明史禮志永樂初令內閣官侍朝立金臺東錦衣衛在西後移御道東西對立

四年諭六部及近侍官曰早朝多四方所奏事午後事簡君臣之閒得從容陳論自今有事當商榷者皆於晚朝

續文獻通考七年正月癸丑賜朝參官元宵節假自正月十一日爲始凡十日百官朝參不奏事聽軍民張燈飲酒爲弛夜禁著爲令

明會典永樂七年令大寒早朝上御奉天門百官行叩頭禮侍班俟鴻臚寺官引謝恩見辭人員行禮畢駕興御右順門內便殿百官有事奏者以次入奏無事者退治職務

明史禮志七年諭行在禮部曰北京冬氣嚴凝羣臣早朝奏事立久不勝今後朝畢於右順門內便殿奏事

明會典二十二年九月時仁宗已即位令方面大臣來朝鴻臚寺

即皆引見

續文獻通考十月庚戌令大小公私之事皆於公朝陳奏

宣宗實錄宣德三年十二月甯王權言慶賀行禮拜進表箋三司官皆依秩序立獨儀賓未有定制帝命禮部考定尚書胡濙言考洪武禮制郡主儀賓秩從二品縣

主儀賓從三品郡君儀賓從四品縣君儀賓從五品鄉君儀賓從六品若遇行禮宜序於同等官員之左詔頒行遵守

鄧元錫明書宣德四年十二月帝以霜寒命光祿寺賜早朝官羊酒謂侍臣曰皇祖考臨朝日常賜食必謹識無忘

明史英宗本紀宣德十年正月英宗即位始罷午朝

天政記太祖相傳諸帝臨朝每至日昃不遑暇食惟欲達四聰以來天下之言至是以帝幼冲始罷午朝又創權制每日早朝止許言事八件前一日先以副本詣闕下豫以各事處分陳上遇奏止依所陳傳旨而已其後遂為定制

朱氏國楨曰開創與守成不同長君與幼主亦異三楊創權制自合如此後八事改為六事今止三事臨朝文武侍立傳宣奏對不能多亦不能久與文華詳

審擬議不
可並論矣

明史禮志景泰初定午朝儀凡午朝御左順門設寶案
執事奏事官候於左掖門外駕出以次入內閣五府六
部奏事官六科侍班官案西序立侍班御史二序班二
將軍四案南面北立鳴贊一案東西向立錦衣衛鴻臚
寺東向立管將軍官侍衛官立於將軍西府部奏事畢
撤案各官退有密事赴御前奏

蕙田案實錄但云景泰二年復午朝而備載
此儀於宏治元年然明會典郭正域典禮志
及此志竝以爲景泰初定蓋景泰復午朝卽
定此儀孝宗因而行之耳實錄於景泰中事
多闕略此亦其一證也

續文獻通考景泰二年九月丙申朔定常朝內閣位午

朝翰林院先奏事時戶部尙書兼翰林院學士陳循奏
以永樂初內閣官遇常朝立金臺東錦衣衛在西後因
不便利下貼御道東西對立已爲定例近日因雨各衙
門官俱上奉天門奏事五府官雖品高皆立西簷柱外
獨六卿序立東簷柱內遂使內閣官無地可立此係朝
儀不可不辨又每午朝進近御榻奏事臣所奏多係制
誥機密重務不宜在五府六部奏雜事後帝從之故有
詔

瑣綴錄舊制每早朝閣老與司禮監太監對立寶座
東太宗晚年健忘寶座後常有一二宮嬪從立記旨
時金文靖公嫌不自安辭立丹陛下仗馬之南景泰
中陳芳洲請復立陛下託言每遇雨雪不便朝廷難
之事遂寢天順中一日仗馬蹄齧驚逼諸閣老英廟

乃命諸閣老移南立諸給事之前大漢將軍之後給事亦移南立英廟見之命毋南移惟仍舊班成化閒閣老復立北上諸給事又隨而北若前後班然不復分上下班矣初閣老以品序前後立成化初劉主靜以四品入閣獨立於陳彭二先生後以與給事班同上命立陳彭之下萬循吉繼之而立遂爲一班

明會典景泰三年令師保兼官品同者立班以衙門爲次又令六科都左右給事中內外序坐書銜俱居御史之左又令官員人等至皇城四門下馬牌邊橫過俱下馬其順行不係橫過不在禁例

續文獻通考英宗天順元年正月武清侯石亨言洪武禮制榜文凡朝參及護衛官員軍校進退先後有序禁門出入有常近來不分貴賤相參挨擠皇城各門諸人

往來徑行全無忌憚有帶物貨入內買賣者今後常朝第三通鼓起先開二門官軍旗校將軍先進排列鐘響朝官依次而進嚴勅守衛官軍不許徑放無牌面人員穿朝出入及將物貨買從之

明會典天順三年奏準凡方面官入朝遞降京官一班序立

成化元年令每日早朝各衙門并公差官員具本面奏及通政司類進本狀各具手本備開所奏事件送禮科收照次日將收到奏目并各衙門送到奏題本狀通具奏目送司禮監交收以候類進又令一應奏題本有旨意者六部都察院等衙門抄出卽明白覆奏發落不許稽緩若過五日不覆奏者該科以聞凡在京文武衙門奏題本謹封完備俱差屬官捧入左順門進呈

成化十三年奏準文武官員入朝大臣許帶官吏頭目
每人二名若遇陰雨大臣添一人小官許帶一人各執
兩具又令文武大小官員入朝跟隨辦事官吏人等照
出午門例於長安左右門承天門端門各下小木牌進
入出則收回

十四年令朝參官員遇鼓起時俱於左右掖門外拱候
東西班次照依衙門品級序其進士各照辦事衙門次
序立於見任官後

明憲宗實錄成化二十一年六月帝以盛暑祁寒朝官
侍衛人等難於久立今後每歲自五月至七月十一月
至次年正月止奏五事餘仍舊

續文獻通考宏治元年正月丁酉帝黑翼善冠淺淡色
袍黑犀帶御奉天門視朔羣臣常服朝參自是日至十

五日皆不御殿

故事元旦至元宵皆御殿

閏正月丙寅朔帝御奉天殿文武官公服朝參

自此朔望始御殿庚子吏

部右侍郎楊守陳上疏請遵祖宗舊制日再御朝

蕙田案憲章錄昭代典則載守陳上疏在是

年三月其官銜稱少詹事今以實錄及明史

本傳考之則守陳時已為吏部侍郎矣本傳

云正月上疏今從實錄及續通考在閏正月

明孝宗實錄宏治元年三月禮部進午朝儀注三月十
八日午朝內官先設御座於左順門之北設案稍南文
武執事奏事官俟於左掖門內駕出以次入序立內閣
及府部奏事官六科侍班官俱案西序立侍班御史二
序班二將軍四俱案南面北立鳴贊一案東面西立錦
衣衛鴻臚寺堂上官於奏事官班下以次面東立管將

軍官及侍衛官立於將軍之西府部官依次出班奏事
通政司依常例引人奏事三法司官遇有奏俱隨班其
常日承旨刑部大理寺郎中寺正各一員都察院侍班
御史承旨其餘衙門分官承旨鴻臚寺官贊奏事畢徹
案百官退如有機密重事許赴御前具奏

蕙田案實錄但云禮部進午朝儀注不云是
年重定則會典明史志以為景泰初所定者
是也特成化中已廢而不舉至是復遵舊制

續文獻通考宏治二年六月戊子朔工部主事林沂奏
欲按品秩列坐御史上為御史所劾帝以沂故違成憲
治之

御史向翀等劾曰朝廷設官分職有拘品秩者有不

拘品秩者故慶成賜宴翰林坐於科道之前科道坐
於郎中之上若概以品秩則殿閣諸大學士皆當列
於太僕少卿之下京縣知縣兵馬指揮皆當列於御
史給事中之上矣

四年八月庚午復午朝九月甲午南京給事中毛珵等
言陛下臨御之初吏部侍郎楊守陳請遵祖宗舊制御
早午二朝聽政意以早朝侍衛森嚴君臣之間難以盡
情冀於午朝款曲辨議今乃與早朝不殊君臣間隔如
故豈建言初意乎伏望自今午朝勅各衙門將緊切事
件口奏少霽天顏議其可否朝退之後常御便殿時召
大臣咨訪政事如守陳之說詔下所司知之
憲章錄宏治十三年正月大學士劉健等言自古願治
之君必早朝晏罷日省萬幾祖宗黎明視朝每日奏事

二次邇者視朝太遲朝罷或至昏黑四夷朝貢奚所觀瞻庶府文移多致寢閣矧今各邊啟釁四方薦災尤爲可慮怠荒是戒勵精是圖庶可以回天意慰人心上嘉納之

孝宗本紀十三年五月丙辰召大學士劉健李東陽謝遷於平臺議政

蘇史建極殿卽謹身殿也殿居中向後高踞三纏白玉石欄杆之上者雲臺門也兩旁向後者東曰後左門西曰後右門卽雲臺左右門亦名曰平臺也凡召對閣臣等官或於平臺卽後左門也

明孝宗實錄十三年六月戊子御史劾西甯侯宋愷等文武官五百有六人朝參不至有詔宥之仍奪一月俸靖遠伯王憲以病在告都督僉事李晟等十二人以赴

操太僕寺少卿李綸以文華殿辦事例免朝參奏狀得不奪俸

明武宗實錄正德九年編修王思以乾清宮災應詔上言祖宗故事正朝之外日奏事左順門又不時召對便殿今每月御朝不過三五日每朝進奏不踰一二事其養德之功求治之實宰輔不得而知也聞見之非嗜好之過宰輔不得而知也況天下之大四海之廣生民愁苦之狀盜賊縱橫之由又豈能一一上達伏願陛下悉遵舊典凡遇宴閒少賜召問勿以遇災而懼災過而弛不報

明世宗實錄嘉靖元年二月詔以正德末朝儀多廢命禮部詳定於是禮部奏朝參諸儀凡入進班奏啟復命及齋戒忌辰令節子告日期以及御史鴻臚官面糾疏

糾各禮皆查復舊例明示諸司永爲遵守從之
典彙嘉靖六年十二月大學士楊一清等言人主視朝
當有常期古禮朝辨色始入君日出而視之今陛下常
於昧爽以前視朝或設燭以登寶位雖大風寒無閒是
固勵精圖治之心第聖躬得毋過勞乎伏願於新歲履
端更始之前倣古禮而行命鴻臚官傳示內外每以日
出爲度或遇大風寒日暫免遂著爲令上曰卿等所言
真師保愛君至意邇來內外百官偷閒怠惰不能勤事
故朕以身先之庶足以警化云耳古禮謂辨色入朝日
出而視之不獨爲息養之計是亦防微之一道也

蕙田案如一清所奏可見世宗初政之勤迨
其後至三十餘年不御常朝矣

明史禮志嘉靖九年令常朝官禮畢內閣官由東陞錦

衣衛官由西陞陞立於寶座東西有欽差官及外國人
領敕坊局官一人奉敕立內閣後稍上候領敕官辭奉
敕官承旨由左陛下循御道授之

續文獻通考十一年八月丙子朔詔領敕及謝恩見辭
之制俱如舊先是正月帝以疾數不視朝鴻臚卿王道
中因請領敕謝恩及見辭官暫受事左順門後因循遂
爲定制禮部以爲非祖制不可帝以諸事非係重大其
如寺議於是尙書夏言議曰領敕必於御前以重帝命
可防詐傳旁出之姦繳敕必於御前以達下情可防遲
留隱匿之弊至面見面辭人員卽遇免朝豈不能少待
而遽廢上下之禮殆非臣子之心所安帝然之詔竝遵
舊制如遇雨雪風寒暫三五日不視朝竝令候待若免
朝日久準受命左順門著爲令

明世宗實錄十三年十一月帝以大祀御殿誓戒羣臣中書舍人無侍殿班者御史楊行中奏之掌中書事傅榮等言故事誓戒無舍人侍班下禮部議言升殿禮儀翰林官與中書舍人俱用四人東西侍班緣會典所載互有詳略故於誓戒進歷等禮有翰林而無中書今宜著爲令凡御殿稱賀諸禮皆令中書舍人侍班從之續文獻通考十四年三月丁卯帝與大學士張孚敬李時議復午朝帝日講畢召輔臣張孚敬李時見於文華殿西室語次歷評諸臣時因請舉先朝午朝之典每午御左順門命大臣朝見卽奏事亦足以聯屬人心帝曰先朝仍有晚朝之儀朕常思之如鴻臚寺奏謝恩見辭是朝儀若政事另行爲是今通政司奏事全是行政非朝也孚敬曰午朝驟難復不若時常宣召大臣於文華

殿質問政事時曰不但質問政事亦可知人臣賢否臣等亦在側侍班帝曰也著科道官侍俟廷試後舉行之大政記隆慶元年正月戊午帝御宣治門視事明穆宗實錄帝初卽位禮部請御宣治門聽政詔以元年正月二日始至三月己卯始御皇極門復常儀明書辛酉詔復召對舊典令科道隨入

大政記元年二月考定朝儀

續文獻通考隆慶元年都給事辛自修等以朝儀久曠班行不肅請令禮官考議成式疏下禮部禮科會議至是奏言國家初制百官以品序立故今皇極殿前所列品山表識森然其後更定制又有不拘於品者如內閣官錦衣衛立寶位之東西翰林學士列於僉都御史之上其他翰林官不論品級敘於京堂之內科道官

自爲一等列於部屬之先及鴻臚寺尙寶司列於西階
三科六道與東班對侍雖若次序參錯班行混淆然或
以顧問糾察或以奉事承旨莫不有因難以輕改今後
常朝悉如此例其餘官員仍依品級崇卑衙門次序爲
列如有紊越聽糾儀官糾奏至於各官被服束帶會典
所載甚明不得僭用以乖典制從之

穀城山房筆塵國初朝儀專敘品級不分散要世宗
自甲午以後三十餘年不視常朝舊典無人記憶穆
考登極始復常朝鴻臚搜求故實多所散失不知於
世廟初年合否班行東西分列勳臣在西上東面不
與百官齒左班面西侍立一品二品爲一行三品次
之爲第二四品五品京堂次之爲第三宮坊五品六
品次之爲第四翰林六品七品次之爲第五兩房中

書次之爲第六此爲一段其下則六科爲第一吏部
第二中書舍人第三此爲一段其下則御史第一五
部次之自此以下品級官次紊不可紀矣右班面東
侍立則錦衣在前五軍都督府次之其後七十二衛
指揮等官叩頭禮畢則左班內閣右班錦衣俱由玉
陛升立金臺左右六科升立甬道左右東西向御史
立於甬道左右北向其北面行禮班次則公侯駙馬
伯立三班於前去文武階次稍遠其下則文武兩班
同上御道左右分立一品二品爲第一三品第二四
品五品京堂至翰林史官吉士第三科道中書第四
其下則六部郎官亦頗紊亂其同班序立翰林七品
在小九卿六品之上宮坊六品在小九卿五品之上
宮坊五品在大九卿五品之上講讀學士在大九卿

四品之上惟讓僉都少詹光學士在僉都之上至於六部郎官往時一吏二禮其下則戶兵等部故有主事立於郎官之上者其後戶部主事賀邦泰以禮部在其上嘗疏爭之有詔六部郎中並列員外次之主事又次之久之又稍稍紊矣

三年閏六月南京吏部尚書吳嶽上疏謂常朝止於見謝彌文即奏對常規姑取塞責宜將各部院衙門編爲班次分定日期皇上親御便殿依次召入令其各照職掌次第敷陳其科道官亦得分番參與可否則可以廣聖聰勸百碎報可

明史禮志隆慶六年詔以三六九日視朝

明神宗實錄元年禮部議應否常朝官定規除兵部協理戎政侍郎遇開操日免朝戶部總督倉場管東官廳祿米倉銀庫大通橋崇文門禮部提督四夷館工部管修京通倉戶刑二部照磨各部司務俱朔望日朝參刑部提牢主事暫免其餘在京差管倉場廳廠官俱常朝其差出城者臨時填註門籍

明史禮志萬曆三年令常朝日記注起居官四人列於東班給事中上稍前以便觀聽午朝則列於御座西稍南

明神宗實錄大學士張居正奏國初設起居注官日侍左右實古者左史記事右史記言之制後定官制乃設翰林院修撰編修檢討等官蓋以記載事重故設官加詳原非有所罷廢而自職名更定遂失朝夕記注之規以致累朝史文闕略記載臣等仰稽成憲參酌時宜竊以宮禁邃嚴流傳少實堂簾遠隔聽睹非真何以據事

直書傳信垂後謹案禮儀定式凡遇常朝記事官居文武官第一班之後近上便於觀聽卽古螭頭載筆之意洪武二十四年定召見臣下儀以修撰編修充侍班官卽古隨仗入直紀事之意今遵祖制除升殿例用史官侍班外凡常朝御皇極門每日輪該記注起居并史官共四人列於東班各科給事中之上午朝御會極門列於御座西稍南專記言動詔依擬行續文獻通考神宗四年六月癸酉帝命禮兵二部議五府官應否與勳臣同班立於是禮部言都督諸臣於殿下則當立錦衣衛官後而稍出其上與六部對侍常朝御門初立亦如之行禮後則與南北司無執事者同班而序其上命著爲令

春明夢餘錄右班武臣當以都督爲先自嘉靖以來

錦衣權重又陸朱諸公皆以三公重銜官在都督之上故立於首神宗六年戊寅朱太傅已歿掌錦衣者俱都指揮等官相沿舊規仍立前列其後遂有爭議部中以錦衣貴重竟不能持可否乃令錦衣仍前立行稍下都督立其後稍上非正禮也

明會典神宗四年議準於左右掖門內各設序班分立東西與原設催促入班序班二員一同糾察

十二年議令吉服朝參日期除祭祀齋戒不面糾外其餘照常糾儀又令參將見朝在京營者照京官儀不贊跪在外者照外官儀贊跪失儀俱面糾

常朝近儀凡早朝鼓起文武官各於左右掖門外序立候鐘鳴開戶各以次進過金水橋至皇極門丹墀東西相向立候上御寶座鳴鞭鴻臚寺官贊入班文武官俱

入班行一拜三叩頭禮分班侍立鴻臚寺官宣念謝恩見辭人員傳贊午門外行禮畢鴻臚寺官唱奏事各衙門應奏事件以次奏訖御史序班糾儀無失儀官則一躬而退鴻臚寺官跪奏事畢鳴鞭駕興百官以次出近例朝覲外官及舉監人等不許擅戴煖耳入朝

明神宗實錄十四年十一月己未給事中王三餘疏言視朝太早多有未便即日日出亦不為遲既可調養聖躬保和元氣且於門禁朝儀俱為便益皇上如欲希古帝王及我祖宗中興之盛莫若再復午朝之規日與公卿大臣及執事等官商榷政事而賜批答可也帝報聞明史莊烈帝本紀崇禎元年八月乙未詔非盛暑祁寒日御文華殿與輔臣議政

續文獻通考是月甲寅御史王相說言文華殿召輔臣

商榷機務請仍輪詞臣二員以備記注臺省臣二員以備糾參庶幾古人左右史記言動及諫官隨宰相入閣之意從之

春明夢餘錄崇禎十五年閏十一月初七日詔二祖舊制日常朝見羣臣裁決政事朕今率循成憲除門朝照例應免日期傳免外餘每日視朝畢勳戚文武諸司等官有欲奏事者赴宏政門報名候召內外官員敢有壅蔽阻當者定以姦欺論

觀承案常朝周制不過旅指特指其儀最簡而君體盤臣體蹙其分未始不嚴東遷以後上替下陵天子下堂侯國大夫相率而拜於上其朝可知矣秦矯其弊而立朝揖朝之法遂不復行然受決事于咸陽宮庶幾其猶舊

禮記卷之五
典禮歟叔孫通采古禮與秦儀雜治之爲漢
朝儀其見於史書者皆秦儀也頗采古禮者
安在且不可用於常朝漢初公卿每月常朝
宣帝始親國事五日一朝則常朝也其儀不
著意者卽以倣秦之所爲決事者爲古禮歟
唐宋以來重常朝而儀特備一切已非秦漢
之舊至明御門商榷事於晚朝俾從容陳論
伊古以來獨此爲近載考漢唐君臣決事於
殿庭也皆列坐宋太祖密撤范質之坐宰相
立而白事至不時之朝惟漢唐有之故汲黯
得見武帝於武帳魏徵得見太宗於便殿宋
以下則待召而入夫周之掌治朝者爲小宰
通復逆者爲小臣皆士也而君臣又不時可

見秦漢唐宋明用宦寺不得時見宜乎多奄
禍而繁文縟節皆成日中之部已

右明常朝

五禮通考卷一百三十五

禮記卷一百三十五

